

乙

明  
刊  
9



本紀卷第十四

元史十四

翰林學士帝矣知制誥兼修國史崔源翰持制承直郎同知制誥兼國史院編修官王禕等奉

勅

世祖十一

二十三年春正月戊辰朔以皇太子故罷朝賀禁賣  
金銀銅錢越海互市甲戌帝以日本孤遠島夷重困  
民力罷征日本召阿八赤赴闕仍散所顧民船以江  
南慶寺土田為入占據者悉付總統楊璉真加修寺  
已卯立羅不怯台閣鄧幹端等驛呂文煥以江淮行  
省右丞告老許之任其子為宣慰使庚辰馬八國遣



使進銅盾壬午太陰犯軒轅太民遣使代祀嶽瀆東  
海癸未罷鞏昌二十四城拘權所以其事入有司發  
鈔五千錠糴糧于沙靜隆興從桑哥請命揚璉真加  
遣宋宗戚謝儀孫全允堅趙沂趙太一入質甲申忽  
都魯言所部屯田新軍二百人鑿河渠於亦集乃之  
地役久功大乞以傍近民西僧餘戶助其力從之慙  
答孫遣使言軍士疲乏者八百餘人乞賑贍宜於朶魯  
朶海處驗其虛實帝曰比遣人往事已緩矣其使贍  
之丁亥焚陰陽偽書顯明曆辛卯命阿里海牙等議  
征安南事宜癸巳陞福州長溪縣爲福寧州以福安

寧德二縣隸之丙申以新附軍千人屯田合思罕關  
東曠地官給農具牛種丁酉畋于近郊降叙州爲縣  
隸蠻夷宣撫司詔禁沮擾鹽課設諸路推官以審刑  
獄上路二員中路一員陞龍興武寧縣爲寧州以分  
寧隸之二月己亥勅中外允漢民持鐵尺手搗及杖  
之藏刃者悉輸于官辛丑遣使以鈔五千錠賑諸王  
小薛所部饑民甲辰以雪雪的斤爲緬中行省左丞  
相阿台董阿叅知政事兀都迷失簽行中書省事以  
阿里海牙仍安南行中書省左丞相奧魯赤平章政  
事都元帥烏馬兒亦里迷失阿里答順樊楫並叅知

政事遣使諭皇子也先鐵木兒調合刺章軍千人或  
二三千付阿里海牙後征交趾仍具將士姓名以聞  
乙巳廷議以東北諸王所部雜居其間宣慰司望輕  
罷山北遼東道開元等路宣慰司立東京等處行中  
書省以闊闊你敦爲左丞相遼東道宣慰使塔出右  
丞同簽樞密院事楊仁風宣慰使亦而撒合並叅知  
政事敕中書省太府監所儲金銀循先朝例分賜諸  
王復立大司農司專掌農桑陞宣徽院正二品降鎮  
巢府爲巢州丁未用御史臺臣言三按察司巡行郡  
縣法除使二員留司副使以下每歲二月分蒞按治

十月還司丙午太陰犯井戌申樞密院奏前遣蒙古軍  
萬人屯田所獲除歲費之外可糴鈔三千錠乞分廩  
諸翼軍士之貧者帝悅令後便行之調京師新附軍  
二千立營屯田癸丑復置隰州大寧縣丁巳命湖廣  
行省造征交趾海船三百期以八月會欽廉州戊午  
併江南行樞密院四處八行省命荆湖占城行省將  
江浙湖廣江西三行省兵六萬人伐交趾荆湖行省  
平章奧魯赤以征交趾事宜請入覲詔乘傳赴闕集  
賢直學士程文海言省院諸司皆以南人叅用惟御  
史臺按察司無之江南風俗南人所諳宜叅用之便

帝以語王速鐵木兒對曰當擇賢者以聞帝曰汝漢人用事者豈皆賢邪江南諸路學田昔皆隸官詔復給本學以便教養封陳益稷爲安南王陳秀峻爲輔義公仍下詔諭安南吏民復立岳鄂常德潭州靜江權茶提舉司癸亥太史院上授時曆經曆議敕藏于翰林國史院甲子復以平原郡公趙與芮江南田隸東宮立甘州行中書省丙寅以編地里書名曲阜教授陳儼京兆蕭顛蜀人虞應龍唯應龍赴京師三月己巳御史臺臣言近奉旨按察司參用南人非臣等所知宜令侍御史行御史臺等程文海與行臺官博采

公潔知名之士具以名聞帝命賫詔以往太陰祀婁浚治中興路河渠省雲和署入教坊司辛未降梅循爲下州甲戌雄霸二州及保定諸縣水泛溢冒官民田歲軍民築河堤禦之乙亥以麥木丁仍中書右丞與郭佑並領錢穀楊居寬典銓選立欽察衛親軍都指揮使司賜諸王脫忽帖木兒羊二萬丙子大駕幸上都詔行御史臺按察司以八月巡行郡縣中書省臣言阿合馬時諸王駙馬往來餉給之費悉取於萬億庫後徵百官俸入以償最非便詔在藉者除之勿徵以權茶提舉李起南爲江西權茶轉運使起南嘗言

元史本紀卷第十四  
四  
江南茶每引價三貫六伯文今宜增每引五貫事下  
中書議因令起南爲運使置達魯花赤處其上丁丑  
徙東京行中書省于咸平府癸巳歲星犯壘壁陣以  
臨江路爲北安王分邑夏四月庚子中書省臣請立  
汴梁行中書省及燕南河東山東宣慰司有旨南京  
戶寡盜息不必置省其宣慰司如所請濟南乃勝納  
合兒分地太原乃阿只吉分地其令各位委官一人  
同治之敕免雲南從征交趾蒙古軍屯田租立烏蒙  
站江南諸路財賦並隸中書省雲南省平章納速刺  
丁上便宜數事一曰弛道路之禁通民來往二曰禁

負販之徒毋令從征三曰罷丹站賦民金爲飲食  
之費四曰聽民伐木貿易五曰戒使臣勿擾民居立  
急遞鋪以省駟騎詔議行之辛丑陝西行省言延安  
置屯田鷹坊總管府其火失不花軍逃散者皆入屯  
田今復供秦王阿難荅所部阿黑荅思飼馬及輸他  
賦有旨皆罷之其不悛者罪當死甲辰行御史臺自  
杭州徙建康以山南淮東淮西三道按察司隸內臺  
增置行臺色目御史員數丁未江東宣慰司進芝一  
本庚戌制謚法壬子樞密院納速刺丁言前所統漸  
下軍五千人徃征打馬國其力已疲今諸王復籍此

軍征緬宜取進止帝曰苟事力未損即遣之仍諭納  
速刺丁分阿刺章蒙古軍千人以能臣將之赴交趾  
助皇子脫勒已未遣要束木勾考荆湖行省錢穀中  
書擬要束木平章政事脫脫忽叅知政事有旨要束  
木小人事朕方五年授一理筭官足矣脫脫忽人奴  
之奴令史宣使才也讀卿等所進擬令人耻之其以  
朕意諭安童以漢民就食江南者多又從官南方者  
秩滿多不還遣使盡徙北還仍設脫脫禾孫於黃河  
江淮諸津渡凡漢民非賈公文適南者止之為商者  
聽中書省臣言比奉旨凡為盜者毋釋今竊鈔數貫

及佩刀微物與童幼竊物者悉令配役臣等議一犯  
者杖釋再犯依法配役為宜帝曰朕以漢人徇私用  
秦和律處事致盜賊滋衆故有是言人命至重今後  
非詳讞者勿輒殺人五月丁卯朔樞密院臣言臣等  
與王速帖木兒議別十八里軍事凡軍行並聽伯顏  
節制其留務委孛孛帶及諸王阿只吉官屬統之為  
宜從之已巳熒惑犯太微西垣上將荆湖行省阿里  
海牙上言要束木在鄂省勾考豈無貪賄臣亦請勾  
考之詔遣叅知政事禿魯罕樞密院判李道治書侍  
御史陳天祥偕行甲戌汴梁旱徙江東按察司于宣

州庚辰歲星犯壘壁陣乙酉熒惑犯太微右執法勅遣軌羅戍兵四百人還家庚寅廣平等路蠶災辛卯霸州瀋州蝻生安南國遣使來貢方物癸巳京畿旱六月丙申朔太白犯御女辛丑中書省臣言禿魯罕來奏前要東木阿里海牙互請鈎考今阿里海牙雖已死事之是非當令暴白帝曰卿言良是其連引諸人近者即彼追逮遠者宜以上聞此事自要東木所發當依其言究行之乙巳以立十一司農司詔諭中外皇孫鐵木兒不花駐營亦奚不並其糧餉仰於西川遠且不便徙駐重慶府詔以大二司所定農桑輯

要書頒諸路命雲南陝西二行省籍定建都稅賦戊申括諸路馬凡色目人有馬者三取其二漢民悉入官敢匿與互市者罪之辛亥以亦馬刺丹忒忽里使交趾癸丑湖廣行省線哥言今用兵交趾分本省戍兵二萬八千七百人期以七月悉會靜江今已發精銳啓行餘萬七千八百人皆羸病屯田等軍不可用敕今歲姑罷之丁巳設陝西等路諸站總管府從三品庚申甘肅新招貧民百一十八戶敕廩給之敕路府州縣捕盜者持弓矢各路十副府州七副縣五副以薛闡干爲中書省平章政事辛酉封楊邦憲妻田



氏爲永安郡夫人領播州安撫司事遣鎮西平緬等  
路招討使怯烈招諭緬國廣元路閬中叅秀兩岐高  
麗國遣使來貢秋七月丙寅朔遣必刺蠻等使爪哇  
已巳用中書省臣言以江南隸官之田多爲強豪所  
據立營田總管府其所據田仍履畝計之復尚醞監  
爲光祿寺罷遼陽等處行中書省復北京咸平等三  
道宣慰司給鐵古思合敦貧民幣帛各二千布千匹  
庚午江淮行省忙兀帶言今置省杭州兩淮江東諸  
路財賦軍實皆南輸又復北上不便揚州地控江海  
宜置省宿重兵鎮之且轉輸無徃返之勞行省徙揚

州便從之立淮南洪澤芍陂兩處屯田壬申平陽饑  
民就食隣郡者所在發倉賑之置中尚監右丞拜荅  
兒將兵討阿蒙并其妻子禽之皆伏誅丁丑幹脫言  
思部民饑遣就食北京其不行者發米賑之以雄易  
二州復隸保定給和林軍儲自京師輸米萬石發鈔  
即其地糴米萬石辛巳八都兒饑民六百戶駐八刺  
忽思之地給米千石賑之壬午總制院使桑哥具省  
臣姓名以上帝曰右丞相安童右丞麥朮丁叅知政  
事郭佑楊居寬並仍前職以鐵木兒爲左丞其左丞  
相寔吉刺帶平章政事阿必失合忽都魯皆別議仍

諭中書選可代者以聞給金齒國使臣圓符祭已銓  
定省院臺部官詔諭中外中書省除中書令外左右  
丞相並二員平章政事二員左右丞並一員叅知政  
事二員行中書省平章政事二員左右丞並一員叅  
知政事簽行省事並二員樞密院除樞密院使外同  
知樞密院事一員樞密院副使簽樞密院事並二員  
樞密院判一員御史臺御史大夫一員中丞侍御史  
治書侍御史並二員行臺同六部尚書侍郎郎中員  
外郎並二員其餘諸衙門並委中書省斟酌裁減八  
月丙申發鈔二萬九千錠鹽五萬引市米賑諸王阿

只吉所部饑民己亥敕樞密院遣侍衛軍千人扈從  
北征平陽路歲比不登免貧民稅賦罷淮東蘄黃宣  
慰司以黃蘄壽昌隸湖廣行省安慶六安光州隸淮  
西宣慰司招集宋鹽軍以市舶司隸泉府司乙卯太  
白犯軒轅右角辛酉婺州永康縣民陳巽四等謀反  
伏誅甘州饑禁酒罷德平定昌二路置德昌軍民總  
管府九月乙丑朔馬八兒須門那僧急里南無力馬  
蘭丹那旺丁呵兒來來急闌亦帶蘇木都刺十國各  
遣子弟上表來覲仍貢方物以太廟雨壞遣筮吉刺  
帶致告奉安神主別殿甲申太陰犯天關壬辰高麗

元史本紀卷第十四 九  
遣使獻日本俘是月南部縣生嘉禾一莖九穗芝產于蒼溪縣冬十月甲午朔太白犯右執法以南康路隸江西行省徙淞西按察司治杭州罷諸道提刑按察司判官行御史臺監察御史及按察司官雖漢人並毋禁弓矢襄邑縣尹張玘爲治有績鄒平縣達魯花赤回回能捕盜理財進秩有差丁酉享于太廟戊戌太陰犯建星己亥車駕至上都壬寅太白犯左執法遣兵千人戍畏吾境乙巳賜合迷里貧民及合刺和州民牛種給鈔萬六千二百錠當其價合迷里民加賜幣帛並千匹己酉遣塔塔兒帶楊兀魯帶以

兵萬人船千艘征骨嵬中書省具宣徽大司農大都上都留守司存減負數以聞帝曰在禁近者朕自沙汰餘從卿等議之辛亥太陰犯東井河決開封祥符陳留杞太康通許鄆陵扶溝洧川尉氏陽武延津中牟原武睢州十五處調南京民夫二十萬四千三百二十三人分築隄防癸丑諭江南各省所統軍官教練水軍遣侍衛新附兵千人屯田別十八里置元帥府卽其地總之甲寅太白犯進賢以征緬功調招討使張萬爲征緬副都元帥也先鐵木兒征緬招討司達魯花赤千戶張成征緬招討使並虎符敕造戰船

將兵六千人以征緬俾禿滿帶爲都元帥總之乙卯  
給皇子脫歡馬四千匹部曲人三匹庚申濟寧路進  
芝二莖壬戌改河間鹽運司爲都轉運使司徒戌甘  
州新附軍千人屯田中興千人屯田亦里黑高麗遣  
使來獻日本俘十六人馬法國進鞍勒羶甲興化路  
仙游縣蟲傷禾十一月乙丑中書省臣言朱清等海  
道運糧以四歲計之總百一萬石斗斛耗折願如數  
以償風浪覆舟請免其徵稅之遂以昭勇大將軍公  
海招討使張瑄明威將軍管軍萬戶兼管海道運糧  
船朱清並爲海道運糧萬戶仍佩虎符敕禽獸字孕

時無畋獵戊辰太白犯亢遣蒙古千戶曲出等總新  
附軍四百人屯田別十八里己巳改思明等四州並  
爲路以阿八赤爲征交趾行省右丞丙子以涿易二  
州良鄉寶坻縣饑免今年租給糧三月平灤太原汴  
梁水旱爲災免民租二萬五千六百石有奇改廣東  
轉運市舶提舉司爲鹽課市舶提舉司丁丑命塔義  
兒忽難使阿兒渾戊寅遣使閱實宣寧縣饑民周給  
之己卯太陰犯井辛巳歲星犯壘壁陣十二月乙未  
遼東開元饑賑糧三月戊戌太白犯東咸癸卯要東  
木藉阿里海牙家貲運致京師賜諸王朮伯所部軍

五千人銀萬五千兩鈔三千錠探馬赤二千人羊七萬口丙午置燕南河東山東三道宣慰司罷大有署丁未太陰犯井乙卯諸道宣慰司在內地者設官四員江南者六員以阿里海牙所庇逃民無主者千人屯田遣中書省斷事官禿不申復鈞考湖廣行省錢穀復置泉州市舶提舉司大都饑發官米低其價糶貧民丙辰遣蒲昌赤貧民墾甘肅閑田官給牛種農具賜安南國王陳益稷羊馬鈔百錠丁巳太陰犯氏戊午翰林承旨撒里蠻言國史院纂脩太祖累朝實錄請以畏吾字繙譯俟奏讀然後纂定後之諸路分

置六道勸農司庚申置尚珍署於濟寧等路秩從五品是歲以亦攝思憐為帝師賜皇子奧魯赤脫歡諸王木伯也不干等羊馬鈔一十五萬一千九百二十三錠馬七千二百九十四匹羊三萬六千二百六十九口幣帛毳段木綿三千二百八十八匹貂裘十四又賜皇子脫歡所部憐牙思不花等及欠州諸局工匠鈔五萬六千一百三十九錠一十二兩命西僧迺作佛事于壽壽山玉塔殿萬安寺凡三十會大司農司上諸路學校凡二萬一百六十六所儲義糧九萬五百三十五石植桑棗雜菓諸樹二千三百九萬四千

六百七十二株斷死刑百一十四人

二十四年春正月乙丑復雲南石梁縣戊辰以修築柳林河堤南軍三千浚河西務漕渠皇子奧魯赤部曲饑命大同路給六十日糧免唐兀衛河西地元籍徭賦壬申御正殿受諸王百官朝賀癸酉俱藍國遣使不六溫乃莽來朝甲戌太陰犯東井乙酉太陰犯房丙戌以叅政程鵬飛為中書右丞阿里為中書左丞丁亥以不顏里海牙為叅知政事發新附軍千人從阿八赤討安南弛女直水達達地弓矢之禁復改江浙省為江淮行省戊子以鈔萬錠賑幹端貧民西

邊歲饑民困賜絹萬匹庚寅遣使代祀嶽瀆后土東海辛卯以淮東淮西山南三道按察司隸行御史臺立上林署秩從七品詔發江淮江西湖廣三省蒙古漢券軍及雲南兵及海外四州黎兵命海道運糧萬戶張文虎等運糧十七萬石分道以討交趾置征交趾行尚書省奧魯赤平章政事烏馬兒樊楫叅知政事總之並受鎮南王節制二月壬辰朔遣使持香幣詣龍虎閣皂三茅設醮召天師張宗演赴闕祭已雍古部民饑發米四千石賑之不足復給六千石米價甲午畝于近郊乙未以麥木丁為平章政事真定路

饑發沁河倉粟減價糶之以真定所牧官馬四萬餘  
匹分牧他郡禁畏吾地禽獸孕孳時畋獵庚子太陰  
犯天關辛丑太陰犯東井甲辰陞江淮行大司農司  
事秩二品設勸農營田司六秩四品使副各二員隸  
行大司農司以范文虎爲中書右丞商議樞密院事  
壬子封駙馬昌吉爲寧濮郡王設都總管府以總皇  
子北安王民匠斡端大小財賦中書省臣言自正旦  
至二月中旬費鈔五十萬錠臣等無總財賦自今待  
臣奏請賜賚乞令臣等預議帝曰此朕所常慮仍諭  
正速鐵木兒月赤徹兒知之丙辰馬八兒國貢方物

戊午敕諸王闕里鐵木兒即制諸軍以趙與芮子孟  
桂襲平原郡公乃顏遣使徵東道兵諭闕里鐵木兒  
毋輒發閏二月癸亥太陰犯辰星以女直水達達部  
連歲飢荒移粟賑之仍盡免今年公賦及減所輸皮  
布之半以宋雷軍將校授管民官散之郡邑救春秋  
二仲月上丙日祀堯帝祠西京等處管課官馬合謀  
自言歲以西京平陽太原課程額外羨錢市馬駝千  
輸官而實盜官錢市之按問有跡伏誅乙丑畋于近  
郊召麥朮丁鐵木兒楊居寬等與集賢大學士阿魯  
渾撒里及葉李程文海趙孟頫論鈔法麥朮丁言自

制國用使司改尚書省頗有成效今仍分兩省爲便  
詔從之各設官六員其尚書以桑哥鐵木兒平章政  
事阿魯渾撒里右丞葉李左丞馬紹參知政事餘一  
員議選回回人充中書宜設丞相二員平章政事二  
員參知政事二員省隴右河西道提刑按察司分置  
鞏昌者入甘州設官五員以鞏昌改隸京兆提刑按  
察司設官六員省太原提刑按察司分置西京者入  
太原辛未以復置尚書省詔天下除行省與中書議行餘並  
聽尚書省從便以聞設國子監立國學監官祭酒一  
員司業二員監丞一員學官博士二員助教四員生

員百二十人蒙古漢人各半官給紙劄飲食仍隸集  
賢院設江南各道儒學提舉司甲申大陰犯牽牛車  
駕還宮乙酉改淄萊路爲般陽路置錄事司大都饑  
免今歲銀俸鈔諸路半徵之罷江南竹木柴薪及岸  
例魚牙諸課停不給之務敕行省宣慰司勿濫舉官  
吏受除官延引歲月不即之任者追所受宣勅鎮南  
王脫歡徙鎮南京改福建市舶都漕運司爲都轉運  
鹽使司范文虎改尚書右丞商議樞密院事改行中  
書省爲行尚書省六部爲尚書六部以吏部尚書忻  
都爲尚書省參知政事庚寅大駕幸上都札魯忽赤



合刺合孫等言去歲審囚官所錄囚數南京濟南兩路應死者已一百九十人若總校諸路為數必多宜留札魯忽赤數人分道行刑帝曰囚非群羊豈可遽殺耶宜悉配隸淘金三月甲午更造至元寶鈔頒行天下中統鈔通行如故以至元寶鈔一貫文當中統交鈔五貫文子母相權要在新者無冗舊者無廢凡歲賜周乏餉軍皆以中統鈔為准禁無藉自効軍擾民仍籍克軍丙申太陰犯東井乙卯辛涼陞遼東饑弛太子河捕魚禁丙辰馬八兒國遣使進奇獸一類驛而巨毛黑白間錯名阿塔必即降重慶路定遠州

為縣命都水監開汶泗水以達京師汴梁河水泛溢役夫七千修完故堤夏四月癸酉太陰犯氏甲戌太陰犯房甲申忻都奏發新鈔十一萬六百錠銀千五百九十三錠金百兩付江南各省與民互市是月諸王乃顏反五月己亥遣也先傳旨諭北京等處宣慰司允隸乃顏所部者禁其往來毋令乘馬持弓矢庚子以不魯合罕總探馬赤軍三千人出征移濟南宣慰司治益都燕南按察司治大名南京按察司治南陽太原按察司治西京復立豐州亦刺真站壬寅以御史臺吏王良弼等誹訕尚書省政事誅良弼籍其

家餘皆斷罪用桑哥言置上海福州兩萬戶府以維制沙不丁烏馬兒等海運船戶工兩部各增尚書二員授高麗王瞻行尚書省平章政事罷諸路站脫脫禾孫括江南諸路匠戶沙不丁言江南各省南宮多每省宜用一二人帝曰除陳巖呂師夔管如德范文虎四人餘從卿議帝自將征乃顏發上都括江南僧道馬匹詔范文肅將衛軍五百鎮平灤以欽察爲親軍都指揮使也速帶兒右衛僉事王通副之甲辰免北京今歲絲銀仍以軍旅經行給鈔三千錠賑之王子高麗王瞻請益兵征乃顏以五百人赴之六月庚

申朔百官以職守不得從征乃顏願獻馬以給衛士壬戌至撒兒都魯之地乃顏黨塔不帶率所部六萬逼行在而陣遣前軍敗之乙丑救遼陽省督運軍儲壬申發諸衛軍萬人蒙古軍千人戍豪懿州諸王失都兒所部鐵哥率其黨取咸平府渡遼欲劫取豪懿州守臣以乏軍求援救以北京戍軍千人赴之括平灤路馬北京饑免絲銀租稅乙亥霸州益津縣霖雨傷稼以陝西涇邠乾及安西屬縣閑田立屯田總管府置官屬秩三品車駕駐千大利幹魯脫之地獲乃顏輜重千餘仍禁秋毫無犯秋七月癸巳乃顏黨失都

兒犯咸平宣慰塔出後皇子愛牙亦合兵出潘州進討宣慰亦兒撒合分兵趣懿州其黨悉平丁酉弘州匠官以天兔毛製如西錦者以獻授匠官知弘州戊戌太陰犯南斗樞密院奏簽征緬行省事合撒兒海牙言比至緬國諭其王赴闕彼言鄰番數叛未易即行擬遣阿難荅剌奉表賫土貢入覲辛丑太陰犯牽牛壬寅熒惑犯輿鬼庚戌雲南行省愛魯言金齒酋打奔等兄弟求內附且乞入覲壬子太陰犯司怪癸丑日暈連環白虹貫之罷乃顏所署益都平瀼也不干河間分地達魯花赤及勝納合兒濟南分地所署官

移北京道按察司置豪州免東京莠處軍民徭賦陞福建鹽運使司依兩淮莠例為都轉運使司以中興府隸甘州行省以河西管子赤所部屯田軍同沙州居民修城河西瓜沙莠處立閣壓屯田八月癸亥太白犯亢濬州進瑞麥一莖九穗乙丑車駕還上都以李海剌孫為征緬行省叅政將新附軍五千探馬赤軍一千以行仍調四川湖廣行省軍五千赴之召能通白夷金齒道路者張成及前占城軍總管劉全並為招討使佩虎符從征以脫滿荅兒為都元帥將四川省兵五千赴緬省仍令其省駐緬近地以俟進止

置江南四省交鈔提舉司己巳謫從叛諸王赴江南  
諸省從軍自效諭鎮南王脫歡禁戢從征諸王及省  
官與魯赤等毋縱軍士焚掠毋以交趾小國而易之  
癸酉朶兒朶海獲叛王阿赤思赦之亦集乃路屯田  
總管忽都魯請疏浚管內河渠從之丙子填星南犯  
壘壁陣已卯太陰犯天關辛巳太陰犯東井甲申太  
白犯房丁亥瀋州饑又經乃顏叛兵蹂踐免其今歲  
絲銀租賦以北京伐木三千戶屯田于灤立豐贍昌  
國齊民三署秩五品設達魯花赤令丞直長各一員  
女人國貢海人置河西務馬站九月辛卯東京誼靜  
麟威遠婆娑等處大霖雨江水溢及民田大定金源  
高州武平興中等處霜雹傷稼丁酉熒惑犯長垣已  
亥湖廣省臣言海南瓊州路安撫使陳仲達南寧軍  
總管謝有奎延攔總管符庇成以其私船百二十艘  
黎兵千七百餘人助征交趾詔以仲達仍爲安撫使  
佩虎符有奎庇成亦仍爲泐海管軍總管佩金符庚  
子太白犯天江給諸王八八所部窮乏者鈔萬一千  
錠禁市毒藥者以西京平灤路饑禁酒乙巳太陰犯  
畢以米二萬石羊萬口給阿沙所統唐兀軍丁未安  
南國遣其中大夫阮文彥通侍大夫黎仲謙貢方物

元史卷一百一十四  
二十  
戊申咸平懿州北京以乃顏叛民廢耕作又霜雹為  
災告饑詔以海運糧五萬石賑之辛亥熒惑犯太微  
西垣上將壬子太白犯南斗禁沮撓江南茶課高麗  
王王瞻來朝冬十月戊午朔日有食之壬戌太陰犯  
牽牛大星甲子享于太廟桑哥請賜葉李馬紹不忽  
木高翥等鈔詔賜李鈔百五十錠不忽木紹翥各百  
錠又言中書省舊在大內前阿合馬移置於北請仍  
舊為宜從之癸酉江西行院月的迷失言廣東窮邊  
險遠江西福建諸寇出沒之窟乞於江南諸省分軍  
一萬益臣詔江西忽都帖木兒以軍五千付之丙子

誅郭佑揚居寬戊寅桑哥言北安王王相府無印而  
安西王相獨有印實非事例乞收之諸王勝納合兒  
印文曰皇姪貴宗之寶寶非人臣所宜用因其分地  
改為濟南王印為宜皆從之從總帥汪惟和言分所部  
戍四川軍五千人屯田六盤乙酉熒惑犯左執法立  
陝西寶鈔提舉司羅北甸土官火者阿禾及維摩合  
刺孫之子並內附丙戌范文虎言豪懿東京等處人  
心未安宜立省以撫綏之詔立遼陽等處行尚書省  
以薛閣千闍里帖木兒並行尚書省平章政事洪茶  
丘右丞亦兒撒合左丞楊仁風阿老瓦丁並參知政

事十一月壬辰大白犯壘壁陣月暈金土二星雲南  
省右丞愛魯兵次交趾木兀門其將昭文王以四萬  
人守之愛魯擊破之獲其將黎石何英弛太原保德  
河魚禁以桑哥爲金紫光祿大夫尚書右丞相兼統  
制院使領功德使司事後桑哥請以平章帖木兒代  
其位右丞阿剌渾撒里陞平章政事葉李陞右丞叅  
知政事馬紹陞左丞陞集賢院秩正二品丙申熒惑犯  
太微東垣上相丁酉桑哥言先是皇太子忙哥刺封安西  
王統河西土番四川諸處置王相府後封秦王縮二  
金印今嗣王安難荅仍襲安西王印第按攤不花別

用秦王印其下復以王傳印行一藩而二王恐於制  
非宜詔以阿難荅嗣爲安西王仍置王傳而上秦王  
印按攤不花所署王傳罷之戊戌以別十八里漢軍  
及新附軍五百人屯田合迷玉速曲之地己亥鎮南  
王次思明程鵬飛與奧魯赤等從鎮南王分道並進  
阿八赤以萬人爲前鋒庚子太白晝見大都路水賜  
今年田租十二萬九千一百八十石辛丑烏馬兒焚  
楫及程鵬飛等遂趨交趾所向克捷改衛尉院爲太  
僕寺秩三品仍隸宣徽以月赤徹兒禿禿合領之丙  
午鎮南王次界河交趾發兵拒守前鋒皆擊破之己

酉詔議弭盜桑哥玉速帖木兒言江南歸附十年盜賊迄今未靖者宜降旨立限招捕而以安集賁州縣之吏其不能者黜之葉李言臣在漳州十年詳知其事大抵軍官嗜利與賊通者尤難弭息宜令各處鎮守軍官例以三年轉徙庶革斯弊帝皆從其議詔行之封駙馬帖木兒濟寧郡王壬子以江西行省平章忽都帖木兒督捕廣東等處盜賊甲寅命京畿濟寧兩漕運司分掌漕事鎮南王次萬劫諸軍畢會獲福建首賊張治因其黨皆平諭江南四省招捕盜賊丙辰熒惑犯進賢十二月癸亥立尚乘寺順元宣慰使

禿魯古言金竹寨主搔驢等以所部百二十五寨內附甲子皇子北安王置王傳九軍需及本位諸事並以王傳領之丙寅太陰犯畢太白晝見丁卯減揚州省歲額米十五萬石以鹽引五十萬易糧免浙西魚課三千錠聽民自漁發河西甘肅等處富民千人往闡鄠地與漢軍新附軍雜居耕植從安西王阿難苦請設本位諸匠都總管府陞萬億庫官秩四品癸酉鎮南王次茅羅港攻浮山寨破之諸王薛徹都等所駐之地雨土七晝夜羊畜死不可勝計以鈔暨幣帛綿布雜給之其直計鈔萬四百六十七錠丁丑以朱

清張瑄海漕有勞遂授宣慰使乙酉鎮南王以諸軍  
渡富良江次交趾城下敗其守兵日烜與其子棄城  
走敢喃堡是歲命西僧監感宛卜卜思哥等作佛事  
坐靜于大殿寢殿萬壽山五臺山等寺凡三十三會  
斷天下死刑百二十一人浙西諸路水免今年田租  
十之二西京北京隆興平灤南陽懷孟等路風雹害  
稼保定太原河間般陽順德南京真定河南等路霖  
雨害稼太原尤甚屋壞壓死者衆平陽春旱二麥枯  
死秋種不入土壘昌雨雹好妨爲災分賜皇子諸王  
駙馬怯薛帶壽羊馬鈔總二十五萬三千五百餘錠  
又賜諸王怯薛帶等軍人馬一萬二千二百羊二萬  
二千六百駝百餘賑貧乏者合刺忽答等鈔四萬八  
千二百五十錠



本紀卷第十五

元史十五

翰林學士大姤制誥兼修國史中瀨翰林待制承直郎知制誥兼國史院編修 皇禧等奉

世祖十二

二十五年春正月日烜復走入海鎮南王以諸軍追之不及引兵還交趾城命烏馬兒將水兵迎張文虎等糧船又發兵攻其諸寨破之己丑詔江淮省管內並聽忙兀帶節制庚寅祭日于司天臺賜諸王火你赤銀五伯兩珠一索錦衣一襲王都銀千兩珠一索錦衣一襲辛卯尚書省臣言初以行省置丞相與內省

無別罷之今江淮省平章政事忙兀帶所統地廣事繁乞依前爲丞相詔以忙兀帶爲右丞相以蘄黃二州壽昌軍隸湖廣省毀中統鈔板乙未賞征東功從乘輿將吏陞散官二階軍士鈔人三錠從皇孫將吏陞散官一階軍士鈔人二錠死事者給其家十錠凡爲鈔四萬一千四百二十五錠丁酉遣使代祀岳瀆東海后土戊戌大赦敕弛遼陽漁獵之禁惟毋殺孕獸壬寅高麗遣使來貢方物賀州賊七百餘人焚掠封州諸郡循州賊萬餘人掠梅州癸卯海都犯邊敕駙馬昌吉諸王也只烈察乞兒合丹兩千戶皆發兵

從諸王朮帖北征賜諸王亦憐真部曲鈔三萬錠掌吉舉兵叛諸王拜答罕遣將追之至八立渾不及而還甲辰也速不花謀叛逮捕至京師誅之己巳太陰犯角蠻洞十八族饑餓死者二百餘人以鈔千五百錠有奇方米賑之丙午畝于近郊以平江益兵屯田于淮東西杭蘇二州連歲大水賑其尤貧者戊申太陰犯房己酉詔中興西涼無得沮壞河渠兩淮兩淞無得沮壞歲課發海運米十萬石賑遼陽省軍民之饑者辛亥省器盒局入諸路金玉人匠總管府癸丑詔行大司農司各道勸農營田司巡行勸課舉察勤惰歲

具府州縣勸農官實迹以爲殿最路經歷官縣尹以下並聽裁決或怙勢作威侵官害農者從提刑按察司究治募民能耕江南曠土及公田者免其差役三年其輸租免三分之一江淮行省言兩淮土曠民寡無并之家皆不輸稅又管內七十餘城止屯田兩所宜增置淮東西兩道勸農營田司督使耕之制曰可二月丁巳改濟州漕運司爲都漕運司併領濟之南北漕京畿都漕運司惟治京畿鎮南王引兵還萬劫烏馬兒迎張文虎等糧船不至諸將以糧盡師老宜全師而還鎮南王從之戊午命李庭整漢兵五千東征

賜葉李平江嘉興田四頃庚申司徒撒里蠻等進請祖宗實錄帝曰太宗事則然睿宗少有可易者定宗固日不暇給憲宗汝獨不能憶之耶猶當詢諸知者徵大都南諸路所放扈從馬赴京官給芻粟價令自糴之無擾諸縣民遼陽武平寺處饑除今年租賦及歲課貂皮浚滄州鹽運渠辛酉忙兀帶忽都忽言具軍三年存饑賜米五百石壬戌省遼東海西道提刑按察司入北京江南湖海道提刑按察司入京南救江淮勿捕天鵝弛魚鰯禁丙寅賜雲南王塗金駝鈕印改南京路爲汴梁路北京路爲武平路西京路爲

大同路東京路爲遼陽路中興路爲寧夏府路改江  
西茶運司爲都轉運使司并權酒醋稅改河渠提舉  
司爲轉運司江淮總攝楊璉真加言以宋宮室爲塔  
一爲寺五已成詔以水陸地百五十頃養之詔徵扈  
洪山隱士劉彥深甲戌蓋州旱民饑蠲其租四千七  
百石已卯以高麗國王王晡復爲征東行尚書省左  
丞相豪懿州饑以米十五萬石賑之禁遼陽酒京師  
水發官米下其價糶貧民以江南站戶貧富不均命  
有司料簡合戶稅至七十石當馬一匹並免雜徭獨  
戶稅逾七十石餽入站者聽合戶稅不得過十石獨

戶稅無上百石辛巳以杭州西湖爲放生池壬午鎮  
南王命烏馬兒樊楫將水兵先還程鵬飛塔出將兵  
護送之以御史臺監察御史提刑按察司多不舉職  
降詔申飭之命皇孫雲南王也先鐵木兒帥兵鎮大  
理等處三月丙戌諸王昌童部曲饑給糧三月丁亥  
災感犯太微東垣上相戊子太陰犯畢車駕還宮淞江  
民曹夢炎額歲以米萬石輸官乞免他徭且求官職  
桑哥以爲請遥授浙東道宣慰副使改曲靖路總官  
府爲宣撫司庚寅大駕幸上都改闡遺所爲闡遺監  
陞正四品欽遼陽省亦乞列思吾魯兀札刺兒探馬

赤自懿州東征李庭暹授尚書左丞食其祿將漢兵以行江淮行省忙兀帶言宜除軍官更調法死事者增散官病故者降一等帝曰父兄雖死事子弟不勝任者安可用之苟賢矣則病故者亦不可降也辛卯以六衛漢兵千二百新附軍四百屯田兵四百造尚書省鎮南王以諸軍還張文虎糧船遇賊兵船三十艘文虎擊之所殺略相當費拱辰徐慶以風不得進皆至瓊州凡亡士卒二百二十人船十一艘糧萬四千三百石有奇癸巳賜諸王朮伯銀五萬兩幣帛各一萬匹元魯台瓜忽兒銀五千兩幣帛各一百甲午

禁捕鹿羔鎮南王次內傍關賊兵大集以遏歸師鎮南王遂由單巴縣趨盃州間道以出乙未以往歲北邊大風雪一拔突古倫所部牛馬多死賜米千石丁酉駐蹕野狐嶺命阿束塔不帶總京師城守諸軍已亥太陰掩角壬寅禮部言會同館蕃夷使者時至宜令有司倣古職貢圖繪而爲圖及詢其風俗土產去國里程籍而錄之實一代之盛事從之鎮南王次思明州命愛魯引兵還雲南奧魯赤以諸軍北還日烜遣使來謝進金人代已罪乙巳詔江西管內並聽行尚書省節制戊申改山東轉運使司爲都轉運使司兼濟

南路酒稅醋課已酉徐邳屯田及靈壁濰寧二屯兩  
電如雞卵害麥甲寅循州賊萬餘人寇漳浦泉州賊  
二千人寇長泰汀贛畬賊千餘人寇龍溪皆討平之  
夏四月丙辰萊縣蒲臺旱饑出米下其直賑之戊午  
太陰犯井庚申以武岡寶慶二路荐經寇亂免今年酒  
稅課及前歲逋租辛酉從行泉府司沙不丁烏馬兒  
請置鎮撫司海艇千戶所市舶提舉司省平陽投下  
總管府入平陽路雜造提舉司入雜造總管府桑哥  
言自至元丙子置應昌和羅所其間必多盜詐宜加  
鉤考扈從之臣種地極多宜依軍站例除四頃之外

驗畝征租並從之癸亥渾河決發軍築堤捍之乙丑  
廣東賊董賢舉等七人皆稱大老聚眾反剽掠吉顛  
瑞撫龍興南安韶雄汀諸郡連歲擊之不能平江西  
行樞密院副使月的米失請益兵江西行省平章忽  
都鐵木兒亦以地廣兵寡為言詔江淮省分萬戶一  
軍詣江西俟賊平還翼戊辰浚怯烈河以溉口温腦  
兒黃土山民田庚午立弘吉刺站癸酉尚書省臣言  
近以江淮饑命行省賑之吏與富民因緣為姦多不  
及於貧者今杭蘇湖秀四州復大水民鬻妻女易食  
請輟上供米二十萬石審其貧者賑之帝是其言甲

戊萬安寺成佛像及憲壁皆金飾之凡費金五百四十兩有奇水銀二百四十斤遼陽省新附軍遷還各衛者令助造尚書省仍命分道招集之增立且沽海運米倉命征交趾諸軍還家休息一歲敕緬中行省比到緬中一稟雲南王節制庚辰安南國王陳日烜遣中大夫陳克用來貢方物賜諸王小薛金百兩銀萬兩鈔千錠及幣帛有差辛巳賜諸王阿赤言金二百兩銀二萬二千五百兩鈔九千錠及紗羅絹布有差命甘肅行省發新附軍三百人屯田亦集乃陝西省督鞏昌兵五千人屯田六盤山癸未雲南省右丞

愛魯上言自發中慶經羅羅白衣入交趾往返三十八戰斬首不可勝計將士自都元帥以下獲功者四百七十四人甲申詔皇孫撫諸軍討叛王火魯火孫合丹禿魯干五月丙戌敕武平路括馬千匹戊子諸王察合子闊闊帶叛床兀兒執之以來已丑汴梁大霖雨河決襄邑漂麥禾以左右怯薛衛士及漢軍五千三百人從皇孫北征甲午發五衛漢兵五千人北征乙未桑哥言中統鈔行垂三十年省官皆不知其數今已更用至元鈔宜差官分道置局鈎考中統鈔本從之丙申賜諸王八八金百兩銀萬兩金素段五百

紗羅絹布等四千五百元馬兒來獻璞玉丁酉平江水免所負酒課減米價賑京師改雲南烏撒宣撫司爲宣慰司兼管軍萬戶府戊戌復蘆臺越支三义沽三益使司王家奴火魯忽帶察罕復舉兵反己亥雲南行省言金沙江西通安等五城宜依舊隸察罕章宣撫司金沙江東永寧等處五城宜廢以北勝施州爲北勝府從之壬寅渾天儀成運米十五萬石詣懿州餉軍及賑饑民乙巳罷興州探密提舉司營上都城內倉丁未奉安神主于太廟戊申太白犯畢賜後都不倫金百五十兩銀萬五千兩及幣帛紗羅等萬匹

辛亥孟州烏河川雨雹五寸大者如拳癸丑詔湖廣省管內並聽平章政事禿滿要束木節制遷四川省治重慶復遷宣慰司於成都高麗遣使來貢方物詔四川管內並聽行尚書省節制河決汴梁太康通許杞三縣陳穎二州皆被害六月甲寅以新附軍修尚食局庚申賑諸王荅兒伯部曲之饑者及桂陽路饑民辛酉禁上都桓州應昌隆興酒壬戌賜諸王木伯金銀皆二百五十兩幣帛紗羅萬匹乙丑詔蒙古人總漢軍閱習水戰丁卯又賜諸王木伯銀二萬五千兩幣帛紗羅萬匹復立咸平至建州四驛以延安屯



田總管府復隸安西省戊辰海都將暗伯著暖以兵犯業里干腦兒管軍元帥阿里帶戰却之壬申睢陽霖兩河溢害稼免其租千六十石有奇命諸王怯憐口及扈從臣轉米以饋將士之從皇孫者太醫院光祿寺儀鳳寺侍儀司拱衛司皆毋隸宣徽院罷教坊司入拱衛司癸酉詔加封南海明著天妃爲廣祐明著天妃甲戌太白犯并改西南番總管府爲永寧路乙亥以考城陳留通許杞太康五縣大水及河溢沒民田蠲其租萬五千三百石丙子給兵五十人衛漕西宣慰使史弼使任治盜之責丁丑太陰犯歲星發兵

千五百人詣漠北浚井癸未慶州賊柳世英寇青田麗水等縣浙東道宣慰副使史耀討平之資國富昌等一十六屯雨水蝗害稼秋七月甲申朔復葺興靈二州倉始命昔寶赤合刺赤貴由赤左右衛士轉米輸之委省官督運以備賑給丙戌真定汴梁路蝗運大同太原諸倉米至新城爲邊地之儲以南安瑞贛三路連歲盜起民多失業免逋稅萬二千六百石有奇弛寧夏酒禁發大同路粟賑流民保定路霖雨害稼蠲今歲田租改儲待所爲提舉司敕征交趾兵官還家休息一歲壬辰遣必闍赤以鈔五千錠往應昌

和糴軍儲改會同館爲四賓庫戊戌駐蹕許泥百牙之地同知江西行樞密院事月的迷失上言近以盜起廣東分江西江淮福建三省兵萬人令臣將之討賊臣願萬人內得蒙古軍三百并臣所籍降戶萬人置萬戶府以撒木合兒爲達路花赤佩虎符詔許之以沐川等五寨割隸嘉定者還隸馬湖蠻部總管府己亥熒惑犯氏庚子太白犯鬼臈州連歲大水民採橡而食命減價糶米以賑之霸瀨二州霖雨害稼免其今年田租己巳太陰掩畢諸王也真部曲饑分五千戶就食濟南保定路唐縣野蠶蠶絲可爲帛壬子命幹端

戊兵三百一十人屯田命六衛造兵器八月癸丑諸王也真言臣近將濟寧投下蒙古軍東征其家皆乏食願賜濟南路歲賦銀使易米而食詔遼陽省給米萬石賑之丙辰熒惑犯房袁之萍鄉縣進嘉禾詔安童以本部怯薛蒙古軍三百人北征己未太白犯軒轅大星辛酉免江州學田租癸亥尚書省成壬申安西省管內大饑蠲其田租二萬一千五百石有奇仍貸粟賑之癸酉以河間等路鹽運司兼管順德廣平綦陽三鐵冶丙子發米三千石賑減吉兒帶所部饑民趙晉冀三州蝗丁丑嘉祥魚臺金鄉三縣霖雨害

稼蠲其租五千石庚辰車駕次李羅海腦兒以咸平  
 荐經兵亂發瀋州倉賑之分萬億庫為寶源賦源綺  
 源廣源四庫九月癸未朔熒惑犯天江大駕次野狐  
 嶺甘州旱饑免逋稅四千四百石丙戌置汀梅二州驛  
 已丑獻奠二州霖雨害稼免田租八百餘石壬辰大  
 駕至大都乙未罷檀州淘金戶都哇犯邊庚子太陰  
 犯畢鬼國建都皆遣使來貢方物從桑哥請營五庫  
 禁中以貯幣帛癸卯熒惑犯南斗命忽都忽民戶履  
 地輸稅尚書省臣言自立尚書省凡倉庫諸司無不  
 鉤考宜置徵理司秩正三品專治合追財穀以甘肅

等處行尚書省叅政禿烈羊呵簽省吳誠並為徵理  
 使從之陞寶鈔總庫永盈庫並為從五品改八作司  
 為提舉八作司秩正六品增元寶永豐及八作司官  
 吏俸庚戌太醫院新編本草成冬十月己未享于太  
 廟庚申從桑哥請以省院臺官十二人理筭江淮江  
 西福建四川甘肅安西六省錢穀給兵使以為衛烏  
 思藏宣慰使軟奴汪木嘗賑其管內兵站饑戶桑哥  
 請賞之賜銀二千五百兩甲子置虎賁司復改為武  
 衛司丙寅賜瀛國公趙鼎鈔百錠以甘州轉運司隸  
 都省湖廣省言左右江口溪洞蠻獠置四總管府統

州縣洞百六十而所調官畏憚瘡瘍多不敢赴請以漢人爲達魯花赤軍官爲民職雜土人用之就擬夾谷三合等七十四人以聞從之大同民李伯祥蘇永福八人以謀逆伏誅庚午海都犯邊桑哥請明年海道漕運江南米須及百萬石又言安山至臨清爲渠二百六十五里若開浚之爲工三百萬當用鈔三萬錠米四萬石鹽五萬斤其陸運夫萬三千戶復罷爲民其賦入及芻粟之估爲鈔二萬八千錠費畧相當然渠成亦萬世之利請以今冬備糧費來春浚之制可丙子始造鐵羅圈甲瀛國公趙昱學佛法于土番

己卯也不干入寇不都馬失引兵奮擊之塔不帶反忽刺忽阿塔海等戰却之詔免儒戶雜徭尚書省臣請令集賢院諸司分道鉤考江南郡學田所入羨餘貯之集賢院以給多才藝者從之給倉官俸高麗遣使來貢方物十一月壬午鞏昌路荐饑免田租之半仍以鈔三千錠賑其貧者以忽撒馬丁爲管領甘肅陝西等處屯田等戶達魯花赤督幹端可失合兒工匠千五十戶屯田丁亥金齒遣使貢方物以山東東西道提刑按察使何榮祖爲中書省叅知政事脩國子監以居胄子禁有分地臣私役富室爲柴米戶及賦

外雜徭柳州民黃德清叛潮州民蔡猛等拒殺官軍  
並伏誅庚寅末哥里合引兵犯建州殺三百餘人咸  
平大震辛卯兀良合饑民多殍死給三月糧壬辰罷  
建昌路屯田總管府癸巳賜諸王也里千金五十兩  
銀五千兩鈔千錠幣帛紗羅等二千匹也速帶兒牙  
林海刺孫執捏坤忽都荅兒兩叛王以歸甲午北兵  
犯邊詔福建省管內並聽行尚書省節制丙申合迷  
裏民饑種不入土命愛牙赤以屯田餘糧給之己亥  
命李思衍爲禮部侍郎充國信使以萬奴爲兵部郎  
中副之同使安南詔諭陳日烜親身入朝否則必再

加兵大都民史吉莘請立桑哥德政碑從之辛丑馬  
八兒國遣使來朝帖列滅入寇甲辰以鞏昌便宜都  
總帥府統五十餘城兵民事繁改爲宣慰使司兼便  
宜都總帥府改釋教總制院爲宣政院秩從一品印  
用三臺以尚書右丞相桑哥兼宣政使庚戌益咸平  
府戍兵三百十二月乙卯賜按荅兒秃等金千二百  
五十兩銀十二萬五千兩鈔二萬五千錠幣帛布氈布  
二萬三千六百六十六匹命上都募人運米萬石赴  
和林應昌府運米三萬石給弘吉刺軍丁已海都兵  
犯邊按都也孫脫迎擊死之先是安童將兵臨邊爲

失里吉所執一軍皆沒至是八隣來歸從者凡三百  
九十人賜鈔萬二千五百一十三錠辛酉太陰犯畢  
癸亥置大都等路打捕民匠等戶總管府甲子太陰  
犯井辛未桑哥言有分地之臣例以貧乏爲辭希覲  
賜與財非天墜地出皆取於民苟不慎其出入恐國  
用不足帝曰自今不當給者汝即畫之當給者宜覆  
奏朕自處之甲戌太陰犯元熒惑犯壘壁陣安西王  
阿難荅來告兵士飢且闕橐駝詔給米六千石及橐  
駝百乙亥湖頭賊張治因掠泉州免泉州今歲田租  
丙子也速不花以昔列門叛甘肅行省官約諸王八

八拜荅罕駝馬昌吉合兵討之皆自縛請罪獨昔列  
門以其屬西走追至朶郎不帶之地邀而獲之以歸  
于京師庚辰六衛屯田飢給更休三千人六十日糧  
高麗國王遣使來貢方物賜諸王愛牙合赤等金千  
兩銀一萬八千三百六十兩絲萬兩綿八萬三千二  
百兩金素幣一千二百匹縮五千九十八匹賜皇子  
愛牙赤部曲等羊馬鈔二十九萬百四十七錠馬二  
萬六千九百一十四羊十萬二百一十駝八牛九百  
調諸王貧乏者鈔二十一萬六百錠馬六千七百二  
十五羊一萬二千八百五十七牛四十賜妻子家貲

元史本紀卷三十一  
沒于寇者鈔三萬二千八百八十錠馬羊百償以羊  
馬諸物供軍者鈔千六百七十四錠馬四千三百二  
十五羊三萬四千百九十九駝七十二牛三十賞自  
寇中拔歸者鈔四千七十八錠因雨雹河溢害稼除  
民租二萬二千八百石命亦思麻等七百餘人作佛  
事坐靜于玉塔殿寢殿萬壽山護國仁王等寺凡五十  
四會命天師張宗演設醮三日以光祿寺直隸都省  
置醴源倉分太倉之麴米藥物隸焉以滄州之軍營城  
爲滄溟縣以施州之清江縣隸夔路總管府罷安和  
署大司農言耕曠地三千五百七十頃立學校二萬

四千四百餘所積義糧三十一萬五千五百餘石斷  
死罪九十五人

二十六年春正月丙戌地震詔江淮省忙兀帶與不  
魯迷失海牙及月的迷失合兵進討群盜之未平者  
已丑發兵塞沙陀間鐵烈兒河辛卯拔都不倫言其  
民千一百五十八戶貧乏賜銀十萬五千一百五十  
兩徙江州都轉運使自治龍興沙不下上市舶司歲  
輸珠四百斤金三千四百兩詔賙之以待貧乏者合  
舟入寇戊戌以荆湖占城省左丞唐兀帶副按忽  
都合爲蒙古都萬戶統兵會江淮福建二省及月的

元史本紀卷之五十五 十五  
迷失兵討盜于江西蜀漳汀二州田租辛丑遣使代  
祀岳瀆后土東南海立武衛親軍都指揮使司以待  
衛軍六千屯田軍三千江南鎮守軍一千合兵一萬  
隸焉太陰犯氏壬寅海船萬戶府言山東宣慰使樂  
實所運江南米陸負至淮安易閘者七然後入海歲  
止二十萬石若由江陰入江至直沽倉民無陸負之  
苦且米石省運估八貫有奇乞罷膠萊海道運糧萬  
戶府而以漕事責臣當歲運三十萬石詔許之癸卯  
高麗遣使來貢方物賊鍾明亮寇贛州掠寧都據秀  
嶺詔發江淮省及鄰郡戍兵五千遷江西省叅政管

如德爲左丞使將兵往討畚民丘大老集衆千人寇  
長泰縣福州達魯花赤脫歡同漳州路總管高傑討  
平之甲辰復立光祿寺戊申徙廣州按察司於韶州  
以荆南按察司所統遼遠割三路入淮西二路入江  
西立咸平至鼎延驛十五所廢甘州路宣課提舉司  
入寧夏都轉運使司遣叅知政事張守智翰林直學  
士李天英使高麗督助征日本糧二月辛亥朔詔籍  
江南戶口凡北方諸色人寓居者亦說籍之濬滄州  
御河癸丑愛牙合赤請以所部軍屯田咸平懿州以  
省糧餉己未發和林糧千石賑諸王火你赤部曲置



元史本紀卷之五  
延禧司秩正三品壬戌合木里饑命甘肅省發米千石  
賑之癸亥詔立崇福司爲從二品徙江淮省治杭州  
改浙西道宣慰司爲淮東道宣慰司治揚州丙寅尚  
書省臣言行臬府所統海船萬五千艘以新附人駕  
之緩急殊不可用宜招集乃顏及勝納合兒流散戶  
爲軍自泉州至杭州立海站十五站置船五艘水軍  
二百專運番夷貢物及商販奇貨且防禦海道爲便從  
之命福建行省拜降江西行院月的迷失江淮行省  
忙兀帶合兵擊賊江西大都路總管府判官蕭儀嘗  
爲桑哥掾坐受賕事覺帝貸其死欲徙爲淘金桑哥

以儀嘗鉤考萬億庫有追錢之能足贖其死宜解職  
杖遣之帝曲從之丁卯幸上都以中書右丞相伯顏  
知樞密院事將北邊諸軍成都管軍萬戶劉德祿上  
言願以兵五千人招降八番蠻夷因以進取交趾樞  
密院請立元帥府以藥刺罕及德祿並爲都元帥分  
四川軍萬人隸之帝從之以伯蒼兒爲中書平章政  
事紹興大水免未輸田租合丹兵寇胡魯口開元路  
治中兀顏牙兀格戰連日破之己巳止左右翼屯田  
萬戶府秩從三品玉呂魯奏江南盜賊凡四百餘處  
宜選將討之帝曰月的迷失屢以捷聞忙兀帶已往

元史本紀卷之五  
二十一  
卿無以爲慮皇孫甘不剌所部軍乏食發大同路權  
場糧賑之甲戌命鞏昌便宜都總帥汪惟和將所部  
軍萬人北征令過闕受命乙亥省屯田六署爲營田  
提舉司三月庚辰朔日有食之台州賊楊鎮龍聚衆  
寧海僭稱大興國寇東陽義烏浙東大震諸王瓮吉  
帶時謫婺州帥兵討平之立雲南屯田以供軍儲桑哥  
言省部成案皆財穀事當令監察御史即省部稽照  
書姓名於卷末仍命侍御史堅童視之失則連坐從  
之安西饑減估糶米二萬石甘州饑發鈔萬錠賑之  
己丑賜陝西屯田總管府農器種粒癸巳東流縣獻

芝甲午太陰犯亢乙未鑄渾天儀成癸巳金齒人塞  
完以其民二十萬一千戶有奇來歸仍進象三夏四  
月己酉復立營田司于寧夏府遼陽省管內饑貸高  
麗米六萬石以賑之壬子孛羅帶上別十八里招集  
戶數令甘肅省賑之癸丑命塔海發忽都不花等所  
部軍屯狗站北以禦寇寶慶路饑下其估糶米萬一  
千石丙辰命甘肅行省給合的所部饑者粟丁巳遣  
官驗視諸王按灰貧民給以糧戊午禁江南民挾弓  
矢犯者籍而爲兵置江西福建打捕鷹坊總管府福  
建轉運司及管軍總管言其非宜詔罷之省江淮屯田

打捕提舉司七所存者徐邳海州揚州兩淮淮安高郵  
 昭信安豐鎮巢蘄黃魚網石湫猶十二所甲子池州  
 貴池縣民王勉進紫芝十二本戊辰安南國王陳日  
 烜遣其中大夫陳克用等來貢方物己巳乞兒乞思  
 戶居和林驗其貧者賑之庚午沙河決發民築堤以  
 障之癸酉以高麗國多產銀遺工即其地發旁近民  
 冶以輸官以萊蕪鐵冶提舉司隸山東鹽運司甲戌  
 以御史大夫王呂魯為太傅加開府儀同三司簽江  
 西等處行尚書省事召江淮行省參知政事忻都赴  
 闕以戶部尚書王巨濟專理筭江淮省左丞相忙兀

帶總之置淞東江東江西湖廣福建木綿提舉司責  
 民歲輸木綿十萬匹以都提舉司總之罷皇孫按攤  
 不花所設斷事官也先仍收其印尚書省臣言鞏昌  
 便宜都總帥府已陞為宣慰使司乞以舊兼府事別  
 立散府調官分治從之立諸王愛牙赤授下人匠提  
 舉司於益都併省雲南大理中慶等路州縣丁丑陞  
 市令司為從五品改大都路中匠總管府為軍器人  
 匠都總管府尚書省臣言乃顏以反誅其人戶月給  
 米萬七千五百二十三石父母妻子俱在北方恐生  
 它志請徙置江南充沙不丁所請海船水軍從之五

月庚辰發武衛親軍千人濬河西務至通州漕渠癸未移諸王小薛饑民就食汴梁發大同宣德等路民築倉於昴兀刺壬辰太白犯鬼軟奴玉朮私以金銀器皿給諸王出伯合班等且供饋有勞命有司如數償之復賞銀五萬兩幣帛各二千匹丙申詔季陽益都淄萊三萬戶軍久戍廣東疫死者衆其令二年一更賊鍾明亮率衆萬八千五百七十三人來降江淮福建江西三省所抽軍各還本翼行御史臺復徙於揚州浙西提刑按察司徒蘇州以參知政事忻都爲尚書左丞中書參知政事何榮祖爲參知政事參議尚

書省事張天祐爲中書參知政事己亥設回回國子學陞利用監爲從三品遼陽路饑免徃歲未輸口租尚書省臣言括大同平陽太原無籍民及人奴爲良戶畧見成效益都濟南諸道亦宜如之詔以農時民不可擾俟秋冬行之罷永盈庫以所貯上供幣帛入太府監及萬億庫辛丑御河溢入會通渠漂東昌民廬舍以庄浪路去甘肅省遠改隸安西省省流江縣入渠州泰安寺屯田大水免今歲租青山猫蠻以不莫臺甲包等三十寨相繼內附六月戊申朔發侍衛軍二千人濬口温腦兒河渠己酉鞏昌汪惟和言近括漢人兵器臣

管內已禁絕自今臣凡用兵器乞取之安西官庫帝曰汝家不與它漢人比弓矢不汝禁也任汝執之辛亥詔以雲南行省地遠州縣官多闕六品以下許本省選辟以聞桂陽路寇亂水旱下其估糶米八千七百二十石以賑之己未西番進黑豹庚申諸王乃蠻帶敗合丹兵於托吾兒河丙寅要忽兒犯邊辛巳詔遣尚書省斷事官禿烈羊呵理筭雲南復立雲南提刑按察司月的迷失請以降賊鍾明亮爲循州知州宋士賢爲梅州判官丘應祥等十八人爲縣尹巡尉帝不允令明亮應祥並赴大都增設倒鈔庫三所

遼陽等路饑免今歲差賦移八八部曲饑者就食甘州海都犯邊和林宣慰使怯伯同知乃滿帶副使八黑鐵兒皆反應之合刺赤饑出粟四千三百二十八石有奇以賑之甲戌西南夷中下爛土等處洞長忽帶等以洞三百寨百一十來歸得戶二千餘乙亥金剛奴寇折連怯兒立江淮等處財賦總管府掌所籍宋謝太后貲產隸中宮丁丑汲縣民朱良進紫芝濟寧東平汴梁濟南濼州順德平灤真定霖雨害稼免田租十萬五千七百四十九石秋七月戊寅朔海都兵犯邊帝親征尚珍署屯田大水從征者給其家已

卯駙馬瓜忽兒部曲饑賑之辛巳兩淮屯田兩雹害  
稼蠲今歲田租兩壞都城發兵民各萬人完之開安  
山渠成河渠官禮部尚書張孔孫兵部郎中李處選  
員外郎馬之貞言開魏博之渠通江淮之運古所未  
有詔賜名會通河置提舉司職河渠事甲申四川山  
齊蠻民四寨五百五十戶內附丙戌命百官市馬助  
邊敕以禿魯花及侍衛兵百人爲桑哥導從丁亥發  
至元鈔萬錠市馬于燕南山東河南太原平陽保定  
河間平灤戊子太白經天四十五日庚寅黃兀兒月  
良等驛乏食以鈔賑之辛卯太陰犯牛詔遣牙牙住

僧詣江南搜訪術藝之士發和林所屯乞兒思菩  
軍北征癸巳平灤屯田霖雨損稼甲午御河溢東平  
濟寧東昌益都真定廣平歸德汴梁懷孟蝗乙未太  
陰犯歲星丁酉命遼陽行省益兵戌咸平懿州戊戌  
誅信州叛賊鮑惠日等十三人右丞李庭等北征  
辛丑發侍衛親軍萬人赴上都河間大水害稼壬寅  
賦百官家製戰襖癸卯沙河溢鐵燈杆堤決八月壬  
子朔州大水民乏食下其估糶直沽倉米五千石乙  
卯柳之宜章縣爲廣東寇所掠免今歲田租辛酉大  
都路霖雨害稼免今歲租賦仍減價糶諸路倉糧壬

戊朔州饑發河西務米二千石減其價賑糶之癸亥  
諸王鐵失孛羅帶所部皆饑敕上都留守司遼陽省  
發粟賑之甲子月的迷失以鍾明亮貢物來獻辛未  
歲星晝見癸酉以八番羅甸宣慰使司隸四川省台  
發二州饑免今歲田租甲戌詔兩淮兩浙都轉運使  
司及江西權茶都轉運司諸人毋得沮辦課改四川  
金竹寨爲金竹府徙浙東道提刑按察司治婺州河  
東山西道提刑按察司治太原宣慰司治大同九月  
戊寅歲星犯井己卯置高麗國儒學提舉司從五品  
丙戌罷濟州泗汶漕運使司丁亥罷幹端宣慰使元

帥府癸巳以京師糴貴禁有司拘顧商車乙未太陰  
犯畢丙申熒惑犯太微西垣上將增浙東道宣慰使一  
員江淮省平章沙不丁言提調錢穀積怨於衆乞如  
要束木例撥戍兵三百人爲衛從之平灤昌國等屯  
田霖雨害稼甲辰以保定新城定興屯田糧賑其戶  
饑貧者乙巳詔福建省及諸司毋沮擾魏天祐銀課  
冬十月癸丑營田提舉司水害稼太陰犯牛宿距星  
甲寅熒惑犯右執法以馳運大都米五百石有奇給皇  
子北安王等部曲乙卯以八番羅甸隸湖廣省丙辰  
禁內外百官受人饋酒食者沒其家貲之半甲子享于

太廟已已赤那主里合花山城置站一所癸酉尚書  
省臣言沙不丁以便宜增置浙東二鹽司合浙東西  
舊所立者爲七乞官知鹽法者五十六人從之平灤  
水害稼以平灤河間保定等路饑弛河泊之禁閏十  
月戊寅車駕還大都尚書省臣言南北鹽均以四百  
斤爲引今權豪家多取至七百斤莫若先貯鹽於席  
來則授之爲便從之庚辰桑哥言初改至元鈔欲盡  
收中統鈔故令天下鹽課以中統至元鈔相半輸官  
今中統鈔尚未可急歛宜令稅賦並輸至元鈔商販  
有中統料鈔聽易至元鈔以行然後中統鈔可盡從

之月的迷失以首賊丘應祥董賢舉歸于京師癸未  
命遼陽行省給諸王乃蠻帶民戶乏食者乙酉命自  
今所授宣勅並付尚書省通州河西務饑民有鬻子  
去之他州者發米賑之丙戌西南夷生番心樓等八  
族計千二百六十戶內附廣東賊鍾明亮復反以衆  
萬人寇梅州江羅等以八千人寇漳州又韶雄諸賊  
二十餘處皆舉兵應之聲勢張甚詔月的迷失復與  
福建江西省合兵討之且諭旨月的迷失鍾明亮既  
降朕令汝遣之赴闕而汝玩常不發致有是變自今  
降賊其即遣之丁亥安南國王陳日烜遣使來貢方物



左右衛屯田新附軍以大水傷稼乏食發米萬四百石賑之辰星犯房己丑太陰犯畢熒惑犯進賢庚寅江西宣慰使胡頤孫援沙不丁例請至元鈔千定為行泉府司歲輸珍異物為息從之以胡頤孫遙授行尚書省參政泉府太卿行泉府司事詔籍江南及四川戶口丙申寶坻屯田大水害稼河南宣慰司請給管內河間真定等路流民六十日糧遣還其土從之婺州賊葉萬五以衆萬人寇武義縣殺千戶一人江淮省平章不鄰吉帶將兵討之遣使鉤考大同錢穀及區別給糧人戶庚子取石泗濱為磬以補宮縣之

樂辛丑羅斛女人二國遣使來貢方物癸卯禁殺羔羊泚西宣慰使史弼請討泚東賊以為泚東道宣慰使位合刺帶上甲辰武平路饑發常平倉米萬五千石賑保定等屯田戶饑給九十日糧檀州饑民劉德成犯獵禁詔釋之湖廣省臣言近招降贛州賊胡海等令將其衆屯田自給今過耕時不恤之恐生變命贛州路發米千八百九十石賑之丙午緬國遣委馬刺菩提班的等來貢方物十一月丙午朔回回昔寶赤百八十六戶居汴梁者申命宣慰司給其田丁未禁江南北權要之家毋沮鹽法戊申敕尚書省發倉

賑大都饑民壬子漳州賊陳機察等八千人寇龍巖  
 執千戶張武義與楓林賊合福建行省兵大破之  
 陳機察立大老張順等以其黨降行省請斬之以警  
 衆事下樞密院議范文虎曰賊固當斬然既降乃殺  
 之何以示信宜並遣赴闕從之癸丑建寧賊黃華弟  
 福結陸廣馬勝復謀亂事覺皆論誅甲寅瓜沙二州  
 城壞詔發軍民修完之丙辰罷阿你哥所領采石提  
 舉司發米五百八十七石給昔寶赤五百七十八人  
 之乏食者丁巳平灤昌國屯戶饑賑米千六百五十  
 六石改播州爲播南路丁卯詔山東東路毋得沮洶

金賑文安縣饑民陝西鳳翔屯田大水戊辰太陰犯  
 亢己巳發米千石賑平灤饑民改平恩鎮爲丘縣武  
 平路饑免今歲田租桓州等驛饑以鈔給之十二月  
 丁丑蠡州饑發義倉糧賑之戊寅罷平州望都榛子  
 二驛放其戶爲民辛巳詔括天下馬一品二品官許  
 乘五匹三品三匹四品五品二匹六品以下皆一匹  
 平灤大水傷稼免其租小薛坐與合丹禿魯干通謀  
 叛伏誅紹興路總管府判官白絮矩言宋趙氏族入  
 散居江南百姓敬之不棄久而非便宜悉徙京師桑  
 哥以聞請擢絮矩爲尚書省舍人從之給王呂魯所

招集戶五百又九十日糧徙筦吉刺民戶貧乏者就食六盤乙酉命四川蒙古都萬戶也速帶選所部軍萬人西征太白犯南斗丁亥封皇子闌闌出為寧遠王河間保定二路饑發義倉糧賑之仍免今歲田租木鄰站經亂乏食給九十日糧命回回司天臺祭熒惑庚寅禿木合之地霜殺稼禿魯花之地饑給九十日糧甲午以官軍萬戶汪惟能為征西都元帥將所部軍入漠其先戍漠兵無令還翼乙未蠲大名清豐逋租八百四十石命甘肅行省賑千戶也先所部人戶之饑者給鈔賑黃兀兒月良站人戶庚子武平饑

以糧二萬三千六百石賑之伯顏遣使來言邊民乏食詔賜網罟使取魚自給拔都昔刺所部阿速戶饑出粟七千四百七十石賑之癸卯發麥賑廣濟署饑民是歲馬八兒國進花驢二寧州民張世安進嘉禾二本詔天下梵寺所貯藏經集僧看誦仍給所費俾為歲例幸大聖壽萬安寺置旃檀佛像命帝師及西僧作佛事坐靜二十會免災傷田租真定三萬五千石濟寧二千一百五十四石東平一百四十七石大名九百二十二石汴梁萬三千九十七石冠州二十七石賜諸王公主駙馬如歲例為金二千兩銀二千

元史本紀卷十五  
五萬二千六百三十兩鈔一十一萬二百九十錠幣  
十二萬二千八百匹斷死罪五十九人

元史本紀卷第十五

本紀卷第十六

元史十六

翰林學士中大夫知制誥兼修國史張漁翰林待制承直郎同知制誥兼國史院編修官臣王禮等奉  
勅修

世祖十三

二十七年春正月戊申改大都路總管府為都總管  
府庚戌太白犯牛改儲待提舉司為軍儲所秩從三  
品以河東山西道宣慰使阿里火者為尚書右丞宣  
慰使如故癸丑太陰犯井敕從臣子弟入國子學安南  
國王陳日烜遣其中大夫陳克用來貢方物乙卯造  
祀天幄殿高麗國王王賸遣使來貢方物丁巳遣使

元史本紀卷之六十一  
一  
代祀岳瀆海神后土戊午遼陽自乃顏之叛民甚疲  
敝發鈔五千八十錠賑之己未賜鎮遠王牙忽都靖  
遠王合帶塗金銀印各一章吉寇甘木里諸王木伯  
拜答寒亦憐真擊走之庚申賑馬站戶饑給滕竭兒  
回回屯田三千戶牛種辛酉營懿州倉壬戌造長甲  
給北征軍乙丑伸思八兒木答兒移刺四十石抹蠻  
忒四人以謀不軌伏誅丙寅合丹餘寇未平命高麗  
國發耽羅戍兵千人討之賜河西質子軍五百人馬  
丁卯熒惑犯房高麗國王王曙言臣昔宿衛京師遭  
行街之叛國內大亂高麗民居大同者皆籍之臣願

復以還高麗為民從之己巳改西南番總管府為永  
寧路辛未賜也速帶兒所部萬人鈔萬錠豐閏署田  
戶饑給六十日糧無為路大水免今年田租癸酉忻  
都所部別笳兒田戶饑給九十日糧降臨淮府為盱  
眙縣隸泗州復立興文署掌經籍板及江南學田錢  
穀合丹寇遼東海陽二月乙亥朔立全羅州道萬戶  
府江西諸郡盜未平詔江淮行省分兵一千益之命  
太僕寺母隸宣徽院丙子新附屯田戶饑給六十日  
糧順州僧道士四百九十一人饑給九十日糧戊寅  
太陰犯畢開元路寧遠等縣饑民站戶逃徙發鈔二千

錠賑之播州安撫使楊漢英進雨糧千駙馬鐵別赤  
進羅羅斯雨糧六十刀五十弓二十已卯興州興安  
饑給九十日糧庚辰伯答罕民戶饑給六十日糧辛  
巳括河間昔寶赤戶口癸未泉州地震乙酉賑新附  
民居昌平者丙戌改奉先縣為房山縣泉州地震已  
丑江西羣盜鍾明亮等復降詔徙為首者至京師而  
給其餘黨糧浙東諸郡饑給糧九十日庚寅太陰犯亢  
辛卯復立南康興國權茶提舉司秩從五品發虎賁  
更休士二千人赴上都修城河間路任丘饑給九十  
日糧癸巳晉陵無錫二縣霖雨害稼並免其田租江

西賊華大老黃大老等掠樂昌諸郡行樞密院討平  
之闍兀所部闡遺戶饑給六十日糧常寧州民遭群  
盜之亂免其田租己亥保定路定興饑發粟五千二  
百六十四石賑之辛丑峻歡禾稼不登給九十日糧  
三月乙巳中山敗戶饑給六十日糧戊申廣濟署饑  
給粟二千二百五十石以為種子癸亥犯鉤鈐薊  
州漁陽等處稍戶饑給三十日糧戊午出忙安倉米  
賑燕八撒兒所屬四百二十人已未改雲南蒙憐甸  
為蒙憐路軍民總管府蒙萊甸為蒙萊路放罷福建  
獵戶沙魚皮戶為民以其事付有司總之發雲州民

夫鑿銀洞永昌站戶饑賣子及奴產者甚衆命甘肅省  
贖還給米賑之併福泉二州人匠提舉司爲一仍放  
無役者爲民庚申陞御史臺侍御史正四品治書侍  
御史正五品增蒙古經歷一員從五品罷行司農司  
及各道勸農營田司增提刑按察司僉事二員總勸  
農事四川行省舊移重慶成都之民苦於供給詔復  
徙治成都立江南營田提舉司秩從五品掌僧寺貲  
產放壽穎屯田軍千九百五十九戶爲民撤江南戍  
兵代之凡工匠隸呂合刺阿尼哥段貞無役者皆區  
別爲民詔風憲之選仍歸御史臺如舊制置金竹府

大隘等四十二砦蠻夷長官癸亥建昌賊丘元等稱  
大老集衆千餘人掠南豐諸郡建昌副萬戶擒斬之  
甲子楊震龍餘衆剽浙東總兵官討賊者多俘掠良  
民敕行御史臺分揀之凡爲民者千六百九十五人  
庚午以建昌路廣昌縣經鍾明亮之亂免其田租九  
千四百四十七石辛未太平縣賊葉大五集衆百餘  
人寇寧國皆擒斬之夏四月癸酉朔大駕幸上都  
州螟害稼雷雨大作螟盡死丙子太陰犯井辛巳命大  
都路以粟六萬二千五百六十四石賑通州河西務  
等處流民爲陂屯田以霖雨河溢害稼二萬二千四

百八十畝有奇免其租癸未罷海道運糧萬戶府江  
淮行省言近朝廷遣白絜矩來與沙不丁議令發兼  
并戶借米宗族赴京人心必致動搖江南之民方患  
增課料民括馬之苦宜俟它日行之從之阿速敦等  
二百九十五人乏食命驗其實給糧賑之改利津海  
道運糧萬戶府為臨清御河運糧上萬戶府諸王小  
薛部曲萬二千六十一戶饑給六十日糧發六衛漢  
軍萬人伐木為修城具甲申以荐饑命今歲銀俸鈔  
其在上都大都保定河間平灤者萬一百八十錠在  
遼陽省者千三百四十八錠有奇丙戌遣桑吉刺失

等詣馬八兒國訪求方伎士壬辰熒惑守氏十餘日  
癸巳河北十七郡蝗千戶也先小闞闞所部民及喜  
魯不別等民戶並饑救河東諸郡量賑之千戶也不  
干所部乏食救發粟賑之太傅玉呂魯言招集斡者  
所屬亦乞烈今已得六百二十一人令與高麗民屯  
田宜給其食救遼陽行省驗實給之平山真定棗強  
三縣旱靈壽元氏二縣大雨雹並免其租丁酉以鈔  
二千五百錠賑昌平至上都站戶貧乏者定興站戶  
饑給三十日糧己亥命考大都路貧病之民在籍者  
二千八百三十七人發粟二百石賑之庚子合丹復



寇海陽復立安和署從六品五月乙巳罷秦王典葢  
司收其印括江南闌遺人雜畜錢帛合丹寇開元戊  
申江西行省管如德江西行院月的迷失合兵討反  
寇鍾明亮明亮降詔縛致闕下如德等留不遣明亮  
復率衆寇贛州樞密院以如德等違詔縱賊請誥之  
從之詔罷江西行樞密院庚戌陝西南市屯田隕霜  
殺稼免其租壬子賜諸王鐵木兒等軍一萬七百人糧  
人一從者五石二人一從者七石五斗丙辰發粟賑御河  
船戶敘州等處諸部蠻夷進雨糧八百戊午移江西行省  
於吉州以便捕盜尚書省遣人行視雲南銀洞獲銀四千

四十八兩奏立銀場官秩從七品出魯等千一百一  
十五戶饑給六十日糧癸亥敕諸王分地之民有訟  
王傳與所置監郡同治無監郡者王傳聽之平瀨民  
萬五千四百六十五戶饑賑粟五千石徽州績溪賊  
胡發饒必成伏誅乙丑太陰犯填星丙寅罷奉宸庫遷  
江西行尚書省參政楊文璨為左丞文璨踰歲不之  
官詔以外刺帶代之外刺帶至文璨復署事桑哥乃  
奏文璨陞右丞江西行省言吉贛湖南廣東福建以  
禁弓矢賊益發乞依內郡例許尉兵持弓矢從之己  
巳立雲南行御史臺命徹里鐵木兒所部女直高麗

契丹漢軍輸地稅外並免他徭江陰大水免田租萬  
七百九十石庚午復置諸王也只里王傳秩正四品  
尚珍署廣備等屯大水免其租伯要民乏食命撒的  
迷失以車五百兩運米千石賑之婺州永康東陽處  
州縉雲賊呂重二楊元六等反浙東宣慰使史弼禽  
斬之泉州南安賊陳七師反討平之括天下陰陽戶  
口仍立各路教官有精于藝者歲貢各一人六月壬  
申朔陞閩鹽州為柏興府降普樂州為閩鹽縣金州  
為金縣河溢太康沒民田三十一萬九千八百餘畝  
免其租八千九百二十八石納鄰等站戶饑給九十

日糧甲戌桑州總管黃布蓬那州長羅光寨安郡州  
長閉光過率蠻民萬餘戶內附丙子放保定工匠楚  
通等三百四十一戶為民庚辰從江淮行省請陞廣  
濟庫為提舉司秩從五品用江淮省平章沙不丁言  
以叅政王巨濟鈎考錢穀有能賞鈔五百錠繕寫金  
字藏經凡糜金三千二百四十四兩廣州增城韶州  
樂昌以遭畬賊之亂並免其田租杭州賊唐珍等伏  
誅己丑癸惑犯房辛卯敕應昌府以米千二百石給  
諸王亦只里部曲壬辰別給江西行省印以便分省  
討賊泉州大水丙申發侍衛兵萬人完都城丁酉大

元史本紀卷之六  
司徒撒里蠻翰林學士承旨兀魯帶進定宗實錄已亥棣州獻次濟陽大風雹害稼免其租庚子從江西省請發各省戍兵討賊辛丑免河間保定平灤歲賦絲之半懷孟路武陟縣汴梁路祥符縣皆大水蠲田租八千八百二十八石秋七月終南等屯霖雨害稼萬九千六百餘畝免其租丙午禁平地忙安倉釀酒犯者死戊申江西霖雨贛吉袁瑞建昌撫水皆溢龍興城幾沒癸丑罷緬中行尚書省江淮省平章沙不丁以倉庫官盜欺錢糧請依宋法黜而斷其腕帝曰此回回法也不允免大都路歲賦下貴州猶蠲

三十餘人作亂劫順元路入其城遂攻阿牙寨殺傷官吏其衆遂盛湖廣省檄八番蔡州均州二萬戶府及八番羅甸宣慰司合兵討之鳳翔屯田霖雨害稼免其租建平賊王靜照伏誅辛酉熒惑犯天江壬申駐蹕老鼠山西乙丑蕪湖賊徐汝安孫惟俊等伏誅丙寅雲南閣力白衣甸酋長凡十一甸內附丁卯用桑哥言詔遣慶元路總管毛文豹搜括宋時民間金銀諸物已而罷之滄州樂陵旱免田租三萬三百五十六石江夏水溢害稼六千四百七十餘畝免其租魏縣御河溢害稼五千八百餘畝免其租百七十五

石八月辛未朔日有食之併廣東道真陽滄光二縣  
為英德州沁水溢害龔氏民田免其租禁諸人毋沮  
平陽太原大同宣課丁丑廣州清遠大水免其租庚  
辰免大都平灤河間保定四路流民租賦及酒醋課  
丁亥復徙四川南道宣慰司于重慶府以南安贛建  
昌豐州嘗罹鐘明亮之亂悉免其田租癸巳地大震  
武平尤甚壓死按察司官及總管府官王連等及民  
七千二百二十人壞倉庫局四百八十間民居不可  
勝計己亥帝聞武平地地震慮乃顏黨之寇遣平章政  
事鐵木兒樞密院官塔魯忽帶引兵五百人往視九

月壬寅河東山西道饑敕宣慰使阿里火者炒米賑  
之癸卯歲星犯鬼申嚴漢人田獵之禁乙巳禁諸王  
遣僧建寺擾民敕河東山西道宣慰使阿里火者發  
大同鈔本二十萬錠糴米賑饑民平章政事闊里鐵  
木兒帥師與合丹戰于瓦法大破之丁未御河決高  
唐沒民田命有司塞之戊申武平地地震盜賊乘隙剽  
劫民愈憂恐平章政事鐵木兒以便宜蠲租賦罷商  
稅弛酒禁斬為盜者發鈔八百四十錠轉海運米萬  
石以賑之金竹府知府掃閭貢馬及兩羶且言金竹  
府雖內附蠻民多未服近與趙堅招降竹古弄古魯

元史卷之六  
花等三十餘寨乞立縣設長官總把參用土人從之  
己酉福建省以管內盜賊蜂起請益戍兵命江淮省  
調下萬戶一軍赴之發蒙古都萬戶府探馬赤軍五  
百人戍鄂州辛亥修東海廣德王廟丙辰赦天下丁  
卯命江淮行省鈎考行教坊司所總江南樂工租賦  
置四巡檢司于宿遷之北以所罷陸運夫為兵護送  
會通河上供之物禁發民挽舟冬十月壬申封皇孫  
甘麻刺為梁王賜金印出鎮雲南癸酉享于太廟甲  
戌立會通汶泗河道提舉司從四品丁丑尚書省臣  
言江陰寧國等路大水民流移者四十五萬八千四

百七十八戶帝曰此亦何待上聞當速賑之凡出粟  
五十八萬二千八百八十九石已外增上都留守司  
副留守判官各一員從甘肅行省請簽管內民千三  
百人為兵以戍其境辛巳太白犯斗只深所部八魯  
刺思等饑命寧夏路給米三千石賑之禁大同路釀  
酒乙酉門答占自行御史臺入覲梁洞梁宮朝吳曲  
洞吳湯暖等凡二十洞以二千餘戶內附丁亥賜北  
邊幣帛十萬匹己丑新作太廟登歌宮懸樂以昔寶  
赤歲取鸕鷀成都擾民罷之十一月辛丑廣濟署洪濟  
屯大水免租萬三千一百四十一石興松二州隕霜

殺未免其租隆興苦鹽灤等驛饑發鈔七千錠賑之  
丁未大同路蒙古多冒名支糧置千戶百戶十負以  
達魯花赤總之食糧戶以富為貧者籍家賞之半戍  
申太陰掩鎮星桑哥言向奉詔內外官受命不赴及受  
代官居五年不赴銓者罷不復叙臣謂苟無大故不  
可終棄帝復允其請江淮行省平章不憐吉帶言福  
建盜賊已平惟浙東一道地極邊惡賊所巢穴復還  
三萬戶以合刺帶一軍戍沿海明台亦怯烈一軍戍  
溫處札忽帶一軍戍紹興致其寧國徽初用土兵後  
皆與賊通今以高郵秦兩萬戶漢軍易地而戍揚州

建康鎮江三城踰據大江人民繁會置七萬戶  
州行省諸司府庫所在置四萬戶府水戰之法舊止  
千所今擇瀕海沿江要害二十二所分兵閱習伺察  
諸盜錢塘控扼海口舊置戰船二十艘故海賊時出  
奪船殺人今增置戰船百艘海船二十艘故盜賊不  
敢發從之庚戌罷雲南會川路采碧甸子甲寅禁上  
都釀酒乙卯貴赤三百三十戶乏食發粟賑之己未  
禁山後釀酒庚申賜伯顏所將兵幣帛各萬三千四  
百匹綿三千四百斤辛酉太陰掩左執法隆興路隕霜  
殺稼免其田租五千七百二十三石壬戌大司徒撒

里蠻翰林學士承旨兀魯帶進太宗實錄癸亥河決祥符義唐灣太康通許陳穎二州大被其患甲子御史臺言江南盜起討賊官利其剽掠復以生口克贈遺請給還其家帝嘉納之徙河北河南道提刑按察司治許州罷大都東西二驛脫脫禾孫以通政院總之乙丑易水溢雄莫任丘新安田廬漂沒無遺命有司築堤障之丙寅括遼陽馬六千匹擇肥者給闔里鐵木兒所部軍丁外立新城摧塲平地脫脫禾孫遣使鉤考延安屯田降南雄州為保昌縣韶州為曲江縣十二月辛未以衛尉院為太僕寺戊寅免大都平灤

保定河間自至元二十四年至二十六年逋租十三萬五百六十二石己卯命樞密院括江南民間兵器及將士習武如戊子歲詔甲申遣兵部侍郎蘄榮等閱實安西鳳翔延安三道軍戶元籍四千外復得三萬三千二百八十丁樞密院欲以為兵桑哥不可帝從之丙戌興化路仙游賊朱三十五集眾寇青山萬戶李綱討平之京兆省上屯田所出羊價鈔六百九錠敕以賜札散暗伯民貧乏者幸如太陰犯亢乙未初分萬億為四庫以金銀輸內府至是立提舉富寧庫秩從五品以掌之大同路民多流移免其田租二萬

一千五百八石洪贊灤陽驛饑給六十日糧不耳荅  
失所部減乞里饑給九十日糧詔諸王乃蠻帶遼陽  
行省平章政事薛闡干右丞洪察忽摘蒙古軍萬人  
分戍雙城及婆娑府諸城以防合丹兵己亥省溧陽  
路為縣入建康湖廣省上二年宣課珠九萬五百一  
十五兩慶州青田賊劉甲乙等集衆萬餘人寇温州  
平陽是歲賜諸王公主駙馬金銀鈔幣如歲例命帝  
師西僧迺作佛事坐靜于萬壽山厚載門茶罕騰兒  
聖壽萬安寺桓州南屏庵雙泉等所凡七十二會斷  
死罪七十二人

二十八年春正月壬寅太白熒惑鎮星聚奎癸卯給  
諸王愛牙赤印命玄教宗師張留孫置醮祠星三日  
上都民仰食于官者衆詔傭民運米十萬石致上都  
官價石四十兩命留守木八剌沙總其事辛亥罷汴  
梁至正陽杞縣睢州中牟鄭唐鄧十二站站戶為民  
癸丑高麗國遣使來貢方物丁巳遣貴由赤四百人北  
征辛酉罷江淮漕運司併於海船萬戶府由海道漕  
運併浙西金玉人匠提舉司入浙西道金玉人匠總  
管府降無為和州二路六安軍為州巢州為縣入無  
為並隸廬州路升安豐府為路降壽春府懷遠軍為



縣懷遠入濠州並隸安豐路并各處行省理問所爲  
四品免江淮貧民至元十二年至二十五年所逋田  
租二百九十七萬六千餘石及二十六年未輸田租  
十三萬石鈔千一百五十錠絲五千四百斤綿千四  
百三十餘斤罷淘金提舉司立江東兩浙都轉運使  
司壬戌以扎散禿禿合總兵于瓮古之地命有司供  
其軍需敕大同路發米賑瓮古饑民尚書省臣桑哥  
等以罪罷二月辛未賜也速帶見所部兵驟馬萬疋  
徙萬億庫金銀入禁中富寧庫尚書省言大同仰食  
于官者七萬人歲用米八十萬石遣使覆驗不當給

者萬三千五百人乞徵還官從之癸酉以隴西四川  
總攝輦真朮納思爲諸路釋教都總統改福建行省  
爲宣慰司隸江西行省詔行御史臺勿聽行省節度  
雲南行省言叙州烏蒙水路險惡舟多破溺宜自葉  
稍水站出陸經中慶又經鹽井土老必撒諸蠻至叙  
州應符可治爲驛路凡立五站從之也速帶見汪總  
帥言近制和雇和買不及軍家今一切與民同詔自  
今軍勿輸丙子罷徵理司上都太原饑免至元十二  
年至二十六年民間所逋田租三萬八千五百餘石  
遣使同按察司賑大同太原饑民口給糧兩月或三

月以桑哥黨與罷揚州路達魯花赤唆羅兀思遣官  
覆驗水達達成平貧民賑之丁丑以太子右詹事完  
澤為尚書右丞相翰林學士承旨不忽木平章政事  
詔告天下以列兀難粳米賑給貧民己卯遣官持香  
詣中嶽南海淮瀆致禱立金齒等處宣慰司都元帥  
府以上都虎賁士二千人屯田官給牛具農器用鈔  
二萬錠以雲南曲靖路宣撫司所轄地廣民心未安  
改立曲靖等處宣慰司管軍萬戶府以鎮之辛巳以  
湖廣行省八番羅甸司復隸四川省壬午以桑哥沮  
抑臺綱又箠監察御史命御史大夫月兒魯辨之癸

未太陰犯左執法大駕幸上都是日次大口復召御史

臺及中書尚書兩省官辨論桑哥之罪復以闡遺監

隸宣徽院詔毋沮擾山東轉運使司課程甲申太白

犯昴命江淮行省鈎考沙不丁所提詹事院江南錢

穀乙酉立江淮湖廣江西四川等處行樞密院詔諭

中外江淮治廣德軍湖廣治岳州江西治汀州四川

治嘉定丙戌詔改提刑按察司為肅政廉訪司每道

仍設官八員除二使留司以總制一道餘六人分臨

所部如民事錢穀官吏奸弊并一切委之俟歲終省臺

遣官考其功效以集賢大學士何榮祖為尚書右丞

集賢學士賀勝為尚書省參知政事詔江淮行省遣  
蒙古軍五百漢兵千人從皇子鎮南王鎮揚州執河  
間都轉運使張庸仍遣官鈎考其事丁亥營建宮城  
南面周廬以居宿衛之士執胡廣要束木詣京師戊  
子籍要束木家貲金凡四千兩辛卯封諸王鐵木兒  
不花為肅遠王賜之印壬辰雨壞太廟第一室奉遷  
神主別殿癸巳籍桑哥家貲遣行省行臺官發粟賑  
徽之績溪杭之臨安餘杭於潛昌化新城等縣饑民  
命江淮行省參政燕公楠整治治塩法之弊丁酉詔加  
嶽瀆四海封號各遣官詣祠致告三月己亥朔真定

河間保定平灤饑平陽太原尤甚民流移就食者六  
萬七千戶飢而死者三百七十一人桑哥妻弟八吉  
由為燕南宣慰使以受賂積贓伏誅仆桑哥輔政碑  
太原饑嚴酒禁丁未太陰犯御女己酉太陰犯右執  
法庚戌太陰犯太微東垣上相甲寅常德路水免田  
租二萬三千九百石乙卯太白犯五車乃顏所屬牙  
兒馬兀等同女直兵五百人追殺內附民餘千人遣  
塔海將千人平之辛酉呂連站木赤五十戶饑賑三  
月糧發侍衛兵營紫檀殿壬戌以甘肅行省右丞崔  
殘為中書右丞南丹州莫國麟入覲授國麟安撫使

三珠虎符杭州平江等五路饑發粟賑之仍弛湖泊  
蒲魚之禁溧陽太平徽州廣德鎮江五路亦饑賑之  
如杭州武平路饑百姓困於盜賊軍旅免其去年田  
租凡州郡田嘗被災者悉免其租不被災者免十之  
五罷甘州轉運司汪濠家多行賄權貴為府縣卒史  
容庇門戶遇有差賦惟及貧民詔江淮行省嚴禁之  
賑遼陽武平饑民仍弛捕獵之禁夏四月己巳禁屠  
宰牝羊甲戌詔各路府州司縣長次官兼管諸軍奧  
魯以地震故免侍衛兵籍武平者今歲徭役增置欽  
察衛經歷一員用漢人為之餘不得為例庚辰弛杭

州西湖禽魚禁聽民網罟丙戌詔凡負斡脫銀者入  
還皆以鈔為則乙未歲星犯輿鬼以沙不丁等米賑  
江南飢民召朱清張瑄詣闕庚寅併總制院入宣政  
院以鈔法故名葉李還京師乙未徙湖廣行樞密院  
治鄂州丙申以米三千石賑關里吉思饑民五月戊  
戌召江西行樞密院副使阿里詣闕升章佩監秩三  
品遣脫脫塔剌海忽辛三人追究僧官江淮總攝揚  
璉真伽等盜用官物以叅知政事廉希恕為湖廣等  
處行省右丞行海北海南道宣慰使都元帥瓊州安  
撫使陳仲達海北海南道宣慰使都元帥湖廣行省

左右司郎中不顏于思別十八里副元帥王信並同知海北海南道宣慰司事副元帥並佩虎符將二千二百人以征黎蠻僚屬皆從仲達辟置立左右兩江宣慰司都元帥府壬寅太陰犯少民徙江淮行樞密院治建康甲辰中書省臣麥木丁崔或言桑哥當國四年諸臣多以賄進親舊皆授要官唯以欺蔽九重朘削百姓爲事宜令兩省嚴加考覈並除名爲民從之要束木以桑哥妻黨爲湖廣行省平章至是坐不法者數十事詔械致湖廣省誅之辛亥以太原及杭州饑免今歲田租增河東道宣慰使一員徵太子贊

善劉因因前爲太子贊善以繼母病去至是母亡以集賢學士徵之不起罷脫脫塔剌海忽辛等理算僧官錢穀罷江南六提舉司歲輸木綿鞞昌舊惟總帥府桑哥特升爲宣慰司以其弟荅麻剌荅思爲使桑哥敗懼誅自殺至是復總帥府增置異珎御帶二庫秩從五品並設提點使副各一員減中外冗官三十員官城中建蒲萄酒室及女工室詔以桑哥罪惡繫獄按問誅其黨要束木八吉等發兵塞昺火兒月連地河渠修城堡令蒙古戍兵屯田川中以禦寇癸丑罷尚書省事皆入中書改尚書右丞相右詹事完

澤為中書右丞相平章政事麥木丁不忽木並中書  
平章政事尚書右丞何榮祖中書右丞尚書左丞馬  
紹中書左丞參知政事賀勝高翥並參知中書政事  
征東行尚書省左丞相駙馬高麗國王王暉為征東  
行中書省左丞相罷大都燒鈔庫仍舊制各路昏鈔  
令行省監燒增置戶部司計工部司程正七品甲  
寅太陰犯牛贖上都桓州榆林昌平武平寬河宣德  
西站女直等站饑民乙卯以政事悉委中書仍遣使  
布告中外詔禁失陷錢糧者託故詣京師丁巳建白  
塔二各高一丈一尺以居呪師朶四的性吉等七人

何榮祖以公規治民禦盜理財等十事編為一書名  
曰至元新格命刻版頒行使百司遵守桑哥嘗以劉  
秉忠無子收其田土其妻實氏言秉忠嘗鞠猶子蘭  
章為嗣敕以地百頃還之己未以門答占復為御史  
大夫行御史臺事高麗國王王暉乞以其子諶為世  
子詔立諶為高麗王世子授特進上柱國賜銀印六  
月丁卯朔禁蒙古人往回回地為商賈者湖廣饑救以  
刺里海牙米七萬石賑之辛巳洞蠻鎮遠立黃平府  
乙酉以雲南諸路行省參知政事兀難為梁王傳洗  
國王洞主市備什王弟同來朝益江淮行院兵二萬

擊郴州桂陽寶慶武岡四路盜賊以汴梁逃人男女  
配偶成家給農具耕種丙戌勅屯田官以三歲爲滿  
互於各屯內調用宣諭江淮民恃總統璉真加力不  
輸租者依例徵輸辛卯太陰犯畢癸巳以漣海二州  
隸山東宣慰司秋七月丙申朔雲南省參政怯刺言  
建都地多產金可置冶令旁近民煉之以輸官從之  
己亥太白犯井詔諭尚州等處諸洞蠻夷庚子徙江  
西行樞密院治贛州乙巳大都饑出米二十五萬四  
千八百石賑之戊申揚州路學正李塗上言人皆知  
桑哥用羣小之罪而不知尚書右丞葉李妄舉桑哥

之罪宜斬葉李以謝天下有旨驛召塗詣京師塗至  
而李卒除塗江陰路教授以旌直言給遣行臺監察  
御史周祚妻子祚嘗劾行尚書省官桑哥誣以他罪  
流祚于懿峇孫妻子家貲入官及是還之禁屠宰馬  
牛敕江南重囚依舊制聞奏處決罷江南諸省買銀  
提舉司遣官招集宋時涅手軍可充兵者八萬三千  
六百人以蒙古漢人宋人參爲萬戶千戶百戶領之  
遼陽諸路連歲荒加以軍旅民苦饑發米二萬石賑  
之己酉召交趾王弟陳益稷右丞陳巖鄭鼎子那懷  
並詣京師癸丑賜師壁洞安撫司師壁鎮撫所師羅

元史卷之六十一  
十一  
千戶所印安撫司從三品餘皆五品丁巳桑哥伏誅  
募民耕江南曠土戶不過五頃官授之券俾為永業  
三年後徵租遣愍散總兵討平江南盜賊己未降江  
陰路為州宜興府為縣並隸常州路移揚子縣治新  
城分華亭之上海為縣松江府隸行省罷淘金提舉  
司江淮人匠提舉司凡五以其事並隸有司雨壞都  
城發兵二萬人築之增置各衛經歷一員俾漢人為  
之壬戌弛畿內秋耕禁八月乙丑朔平陽地震壞民  
廬舍萬有八百二十六區壓死者百五十人丙寅太  
白犯輿鬼己巳置中書省檢校二員秩正七品俾考

覈戶工部文案踈緩者罷江西等處行泉府司大都  
甲匠總管府廣州人匠提舉司廣德路錄事司罷泉  
州至杭州海中水站十五所撫州路饑免去歲未輸  
田租四千五百石馬八兒國遣使進花牛二水牛土  
彪各一丙子太陰犯牽牛大名之清河南樂諸縣霖  
雨害稼免田租萬六千六百六十九石己卯詔諭思  
州提省溪洞官楊都要招安叛蠻悔過來歸者與免  
本罪罷雲南四州立東川府癸未歲星犯軒轅大星  
乙酉遣麻速忽阿散乘傳詣雲南捕黑虎戊子太白  
犯軒轅大星并犯歲星咀喃蕃邦遣馬不剌罕丁進



金書寶塔及黑獅子番布藥物整州水免田租四萬  
一千六百五十石辛卯命工部造飛車五兩癸巳太  
陰掩熒惑九月辛丑以平章政事麥朮丁商議中書  
省事復以咱喜魯丁平章政事代之乙巳景州河間  
等縣霖雨害稼免田租五萬六千五百九十五石丙  
午立行宣政院治杭州巳酉設安西延安鳳翔三路  
屯田總管府庚戌太白犯右執法襄陽南障縣民李  
氏妻黃一產三男辛亥安南王陳日烜遣使上表貢  
方物且謝不朝之罪徽州績溪縣賊未平免二十七  
年田租禁宣德府田獵壬子酒醋課不兼隸茶鹽運

司仍隸各府縣立乞里台思至外刺等六驛命海船  
副萬戶楊祥合迷張文虎並為都元帥將兵征瑠求  
置左右兩萬戶府官屬皆從祥選辟既又用福建吳  
誌斗言祥不可信宜先招諭之乃以祥為宣撫使佩  
虎符阮監兵部員外郎誌斗禮部員外郎並銀符賈  
詔往瑠求明年楊祥阮監果不能達瑠求而還誌斗  
死于行時人疑為祥所殺詔福建行省按問會赦不  
治乙卯以歲荒免平灤屯田二十七年田租三萬六  
千石有奇丙辰熒惑犯左執法戊午太白犯熒惑徙  
四川行樞密院治成都以八忽峇兒禿魯歡唆不闌

脫兒赤四翼蒙古兵復隸蒙古都萬戶府庚申以鐵里為禮部尚書佩虎符阿老瓦丁不刺並為侍郎遣使俱藍辛酉歲星犯少民免大都今歲田租保定河間平灤三路大水被災者全免收成者半之以別鐵木兒亦列矢金為禮部侍郎使馬八兒國陝西脫西為禮部侍郎佩金符使于馬都尚衣局織無縫衣冬十月乙丑朔賜薛徹温都兒等九驛貧民三月糧已已修太廟在真定傾壞者壬申以前緬中行尚書省平章政事雪雪的斤為中書省平章政事癸酉享太廟遣使發倉賑大同屯田兵及教化的所部軍士之

饑者江淮行省言監課不足由私鬻者多乞付兵部

千巡捕從之塔刺海張忽辛崔同知並坐理筭錢穀

受賕論誅辛巳召高麗國王王曙公主忽都魯揭里

迷失詰關癸未羅斛國王遣使上表以金書字仍貢

黃金象齒丹頂鶴五色鸚鵡翠毛犀角篋縹龍腦等

物高麗國饑給以米二十萬斛罷各處行樞密院事

入行省割八番洞蠻自四川隸湖廣行省丙戌太陰

犯軒轅大星并御女丁亥洞蠻爛土立定雲府改陳

蒙洞為陳蒙州合江為合江州巖山後酒禁中書省

臣言洞蠻請歲進馬五十匹兩糧五十被刀五十握

丹砂雌雄黃等物率二歲一上有詔從其所為己丑  
太陰犯太微東垣上相敕沒入璉真加沙不丁烏馬  
兒妻並遣詣京師召行省轉運司官赴京師集議治  
賦法辛卯諸王出伯部曲饑給米賑之癸巳武平路  
饑免今歲田租以武平路總管張立道為禮部尚書  
使交趾免衛輝種仙茅戶徭役從遼陽行省言以乃  
顏合丹相繼叛詔給蒙古人內附者及開元南京水  
達達等三萬人牛畜田器詔嚴益都般陽泰安寧海  
東平濟寧政獵之禁犯者沒其家皆之半十一月丙  
申以甘肅曠土賜昔寶赤合散等



奉使新合刺的音甲辰太白犯房減太府監冗員  
三十一人罷器備行內歲二庫詔回回以答納珠克  
戲及求售者還之留其估以濟省者塔義兒塔帶民  
饑發米賑之給按答兒民戶四月糧罷海道運糧鎮  
撫司丙午災惑犯亢丁未太陰犯畢躔羅遣使貢東  
紵百匹太史院靈臺上修祀事三晝夜甲寅太陰犯  
歲星郴州路達魯花赤曲列有罪論誅復置會同館  
禁沮擾益都淘金乙卯新添葛蠻宋安撫率洞官阿  
汾青貴來貢方物監察御史言沙不丁納速刺丁減  
里烏里兒王巨濟璉真加沙的教化的皆桑哥黨與

受賊肆虐使江淮之民愁怨載路今或繫獄或釋之  
此臣下所未能喻帝曰桑哥已誅納剌丁滅里在獄  
唯沙不丁朕始釋之耳武平平灤川畿弛獵禁其  
孕字之時勿捕諭中書議增中外官俸戊午金齒  
國遣阿思入覲庚申災惑犯氏辛酉升宣德龍門鎮  
為望雲縣割隸雲州置望雲銀冶十二月乙丑復都  
水監秩從三品遣官迓雲南鴨池所遣使遼陽洪寬  
女直部民饑借高麗粟賑給之籍探馬赤八忽帶兒  
等六萬戶成丁者為兵丁卯高麗國鴨綠江西十九  
辨經乃顏反掠其馬畜給以牛各四十大都饑下其

價糶米二十萬石賑之己巳詔罷遣官招集畏兀氏  
改辰沅靖州轉運司為湖北湖南道轉運司立葛蠻  
軍民安撫司宣政院臣言宋全太后瀛國公母子以  
為僧屋有地三百六十頃乞如例免徵其租從之辛  
未以鐵城為兵部尚書佩虎符明思昔答失為兵部  
侍郎佩金符使于羅孛卜兒御史臺臣言鈞考錢穀  
自中統初至今餘三十年更阿合馬桑哥當國設法  
已極而其餘黨公取賄賂民不堪命不如罷之有旨  
議擬以聞壬申立河南江北行中書省治汴梁撒里  
蠻老壽並為大司徒領太常寺中書省臣言江南在

宋時差徭爲名七十有餘歸附後一切未徵今分隸諸王城邑歲賜之物仰給京師又中外官吏俸少似宜量添可令江南依宋時諸名征賦盡輸之何榮祖言宜召各省官任錢穀者詣京師集議科取之法以聞從之甲戌詔罷鈎考錢穀應昔年逋負錢穀文卷聚置一室非朕命而視之者有罪仍遣使布告中外庚辰太陰犯御女江北州郡割隸河南江北行中書省改江淮行省爲江浙等處行中書省治杭州賑闕闕出饑民米闕里帶言乃顏餘黨窟女直之地臣與月兒魯議乞兵千五百人可平之從之癸未太陰

犯東垣上相廣濟署大昌等屯水免田租萬九千五百石平灤路及豐贍濟民二署鑿出米萬五千石賑之別都兒丁前以桑哥專恣不肯任命仍爲中書左丞丙戌八番洞官吳金叔等以所部二百五十寨民二萬有奇內附詣闕貢方物戊子詔釋天下囚非殺人抵罪者己丑熒惑犯房庚寅熒惑犯鈎鈐升營田提舉司爲規運提點所正四品辛卯濬運糧垣河築隄防授吃刺思八幹節兒爲帝師統領諸國僧尼釋教事賜親王公主駙馬金銀鈔幣如歲例令僧羅藏等迺作佛事坐靜于聖壽萬安涿州寺等所凡五十

度遣有六人張志仙持香詣東北海嶽濟瀆致禱戶部  
上天下戶數內郡百九十九萬九千四百四十四江  
淮四川一千一百四十三萬八百七十八口五千九  
百八十四萬八千九百六十四游食者四十二萬九  
千一百一十八司農司上諸路所設學校二萬一千  
三百餘墾地千九百八十三頃有奇植桑棗諸樹二  
千二百五十二萬七千七百餘株義糧九萬九千九  
百六十石宣政院上天下寺宇四萬二千三百一十  
八區僧屋二十一萬三千一百四十八人斷死刑五  
十五人

本紀卷第十六

本紀卷第十七

元史十七

翰林學士中大夫知制誥兼修國史宋濂翰林待制承直郎同知制誥兼國史院編修官臣王禕等奉

勅修

世祖十四

二十九年春正月甲午朔以日食免朝賀日食時左  
右有珥上有抱氣丙申雲南行中書省言羅甸歸附  
後改普定府隸雲南省三十餘年今叛羅甸宣慰安  
撫司隸湖南省不便乞罷之仍以其地隸雲南省制  
曰可戊戌清州饑就陵州發粟四萬七千八百石賑  
之己亥命太史令郭守敬兼領都水監事仍置都水

監少監丞經歷知事凡八員八作司官舊制六員今  
分爲左右二司增官二員庚子江西行省左丞高興  
言江西福建汀漳諸處連年盜起百姓入山以避乞  
降旨招諭復業福建鹽課既設運司又設四鹽使司  
今若設提舉司專領鹽課其酒稅課悉歸有司爲便  
福建銀鐵又各立提舉司亦爲冗濫請罷去詔皆從  
之禁商賈私以金銀航海壬寅以武平地地震全免去  
年稅四千五百三十六錠今年量輸之止徵二千五  
百六十九錠癸卯命玉典赤阿里置司邕州以便糧  
餉而以輕軍邏思明州以漢天師張宗演男與棣嗣

其教陞利用監正三品甲辰詔江南州縣學田其歲  
入聽其自掌春秋釋奠外以廩師生及士之無告者  
貢士莊田則令覈數入官乙巳賜諸王失都兒金千  
兩丙午河南福建行中書省臣請詔用漢語有旨以  
蒙古語諭河南漢語諭福建罷河南宣慰司以汴梁  
襄陽河南南陽歸德皆隸河南行省復割湖廣省之  
德安漢陽信陽隸荆湖北道蘄黃隸淮西道并淮東  
道三宣慰司咸隸河南省其荆湖北道宣慰司舊領  
辰沅澧靖歸常德直隸湖廣省從舊蠻軍民安撫使  
宋子賢請詔諭未附平伐大甕眼紫江皮陵潭溪九

堡等處諸洞蠻戍申太陰犯歲及軒轅左角己酉興  
州之興安宜興兩縣饑賑米五千石罷南雄韶州惠  
州三路錄事司壬子桓州至赤城站戶告飢給鈔計  
口賑之癸丑罷四賓庫復會同館初置織造段匹提  
舉司五八番都元帥劉德祿言新附洞蠻十五寨請  
置官府以統之詔設陳蒙爛上軍民安撫司江西行  
省伯顏阿老瓦丁言蒙山歲課銀二萬五千兩初制  
鍊銀一兩免役夫田租五斗今民力日困每兩擬免  
一石帝曰重困吾民民何以生從之丙辰播州洞蠻  
因籍戶懷疑竄匿降詔招集之以行播州軍民安撫

使楊漢英為紹慶珍州南平等處沿邊宣慰使行播  
州軍民宣撫使播州等處管軍萬戶仍佩虎符壬戌  
召嗣漢天師張與棣赴闕二月甲子朔金竹酋長騷  
驢貢馬羶各二十有七從其請減所部貢馬降詔招  
諭之賜新附黑蠻衣襖遣回命進所產朱砂雄黃之  
精善者無則止遣使代祀嶽瀆后土四海乙丑給輝  
州龍山里州和中等縣飢民糧一月丁卯畝于近郊  
命宿衛受月廩及蒙古軍以艱食受糧者宣徽院仍  
領之己巳太陰犯畢發通州河西務粟賑東安固安薊  
州寶坻縣飢民申禁鞭背庚午斡羅思招附桑州生



貓羅甸國古州等峒酋長三十一所部民十一萬九千三百二十六戶詣闕貢獻壬申敕遣使分行諸路釋死罪以下輕囚澤州獻嘉禾乙亥立總管高麗女直漢軍萬戶府頒銀印總軍六千人以泉府太卿亦黑迷失鄧州舊軍萬戶史弼福建行省右丞高興並爲福建行中書省平章政事將兵征瓜哇用海船大小五百艘軍士二萬人戊寅立征行左右軍都元帥府都元帥四副都元帥二上萬戶府達魯花赤四萬戶皆四副萬戶八鎮撫四各佩虎符詔加高麗王王春太保仍錫功臣之號詔從諸王阿秃作亂者朶羅

帶以付闊里吉思脫迭出以付阿里抄兒赤以付月的迷失合麥以付亦黑迷失使從軍自效又詔諸王從合丹作亂者訥荅兒之鎮南王所聶怯來之合刺合孫荅刺罕所阿秃之雲南王所朶列秃之阿里所八里帶之月的迷失所斡里羅忽里帶之東海發義倉官倉糧賑德州齊河清平泰安州饑民庚辰月兒魯等言納速刺丁滅里忻都王巨濟黨比桑哥恣爲不法楮幣銓選鹽課酒稅無不更張變亂之銜命江南理筭者皆嚴急輸期民至嫁妻賣女禍及親鄰維揚錢塘受害最慘無故而隕其生五百餘人其初士

民猶疑事出國家今乃知天子仁愛元元而使民至此極者實桑哥及其凶黨之為莫不願食其肉臣等議此三人既已伏辜乞依條論坐以謝天下從之牙亦迷失招無籍民千四百三十六戶請隸東宮詔命之耕田辛巳從樞密院臣暗伯等請就襄陽給曲先塔林合刺魯六百三十七戶田噐種粟俾耕而食丁亥以汪惟和為鞏昌等二十四處便宜都總帥兼鞏昌府尹仍佩虎符御史臺月兒魯崔或等言馮子振劉道元指陳桑哥同列罪惡詔令省臺臣及董文用留夢炎等議其一言翰林諸臣撰桑哥輔政碑者廉訪使閻復近

已免官餘請聖裁帝曰死者勿論其存者罰不可恕也乞台不花等使緬國詔令遙授左丞廷議以尚書行使事其副以郎中處之制曰可戊子禁杭州放鷹已丑歲星犯軒轅大星庚寅宣政院臣言授諸路釋教都總統輦真木納思為太中大夫土蕃等處宣慰使都元帥敕暗零拔都兒三百四十七戶佃益都閑田給牛種農具官為屋居之壬辰山東廉訪司申棣州境內春旱且霜夏復霖澇飢民啖藜藿木葉乞賑卹敕依東平例發附近官廩計口以給三月甲午詔遣脫忽思儂獨赤昔烈門至合敦奴孫界與駙馬闊里吉思議行屯

田己亥樞密院臣言出征女直納里哥議於合思罕  
三千新附軍內選撥千人詔先調五百人行中書省  
具舟給糧仍設征東招討司壬寅御史大夫月兒魯  
等奏比監察御史商琥舉昔任詞垣風憲時望所  
屬而在外者如胡祗適姚燧王惲雷膺陳天祥楊恭  
懿高道程文海陳儼趙居信十人宜召寘翰林脩顧  
問帝曰朕未深知俟召至以聞丙午中書省臣言京  
畿荐饑宜免今歲田租上都隆興平灤河間保定五  
路供億視他路爲甚宜免今歲公賦漢地河泊隸宣  
徽院除入太官外宜弛其禁便民取食並從之丁未  
納速刺丁滅里以盜取官民鈔一十三萬餘定忻都  
以徵理逋負迫殺五百二十人皆伏誅王巨濟雖無  
贓帝以與忻都同惡并誅之中書省與御史臺共定  
贓罪十三等枉法者五不枉法者八罪入死者以聞  
制曰可戊申以威寧昌等州民饑給鈔二千錠賑之  
己酉以太司農同知宣徽院事兼領尚饘監事鐵哥  
翰林學士承旨通政院使兼知尚乘寺事刺真並爲  
中書平章政事兼領舊職中書省臣言右丞何榮祖  
以疾平章政事麥朮丁以久居其任乞令免署惟食  
其祿與議中書省事從之以阿里爲中書右丞梁暗

都刺為參知政事中書省臣言亦奚不薛及八番羅  
 甸既各設宣慰司又復立都元帥府其地甚狹而官  
 府多宜合二司帥府為一詔從之且命奚不薛與思  
 播州同隸湖廣省羅甸還隸雲南以八番羅甸宣慰  
 使幹羅思等並為八番順元等處宣慰使都元帥佩  
 虎符以安南國王陳益稷遥授湖廣等處行中書省  
 平章政事佩虎符居鄂州庚戌車駕幸上都賜速哥  
 幹羅思賽曰不花蠻夷之長五十六人金紋綾絹各  
 七十九匹及弓矢鞍轡壬子樞密院臣奏延安鳳翔  
 京兆三路籍軍三千人桑哥皆罷為民今復其軍籍

屯田六盤從之敕都水監分視黃河堤堰罷河渡司  
 庚申免寶慶路邵陽縣田租萬三千七百九十三斛  
 壬戌給還楊璉真加土田人口之隸僧坊者初璉真  
 加重賂桑哥擅發宋諸陵取其寶玉凡發冢一百有  
 一所戍人命四攘盜詐掠諸城為鈔十一萬六千二百  
 錠田二萬三千畝金銀珠玉寶器稱是省臺諸臣乞正  
 典刑以示天下帝猶貸之死而給還其人口土田隆興  
 府路饑給鈔二千錠復發粟以賑之夏四月丙子太陰  
 犯氐己卯復典瑞監三品弛甘肅酒禁推其酷辛巳  
 弛太原酒禁仍權酷辛卯設雲南諸路學校其教官

以蜀士充五月甲午遼陽水達達女直飢詔忽都不  
花趣海運給之丙午敕雲南邊徼入朝非初附者不  
聽乘傳所進馬不給芻豆丁未中書省臣言妄人馮  
子振嘗爲詩譽桑哥且涉大言及桑哥敗即告詞臣  
撰碑引諭失當國史院編脩官陳孚發其姦狀乞免所  
坐遣還家帝曰詞臣何罪使以譽桑哥爲罪則在廷  
諸臣誰不譽之朕亦嘗譽之矣詔以楊居寬郭佑死  
非其罪給還其家資改思州安撫司爲軍民宣撫司  
隸湖廣省詔諭其民因鬪戶驚逃者各使安業以陝  
西鹽運司酒稅等課已入州縣罷諸子鹽司併罷東

平路河道提舉司事入都水監己未龍興路南昌新  
建進賢三縣水免田租四千四百六十八石是月真  
定之中山新樂平山獲鹿元氏靈壽河間之滄州無  
棣景之阜城東光益都之濰州北海縣有蟲食桑葉  
盡無蠶六月甲子平江湖州常州鎮江嘉興松江紹  
興等路水免至元二十八年田租十八萬四千九百二十  
八石戊辰詔聽僧食鹽不輸課己巳日本來互市風壞  
三舟惟一舟達慶元路壬申江西省臣言肇慶德慶  
二路封連二州宋時隸廣東今隸廣西不便請復隸  
廣東從之鐵旗城後察昔折乙烈率其族類部曲三

千餘戶來附甲戌設司籍庫秩從五品隸太府監儲  
物之籍入者丙子太寧路惠州連年旱澇加以役繁  
民餓死者五百人詔給鈔二千錠及糧一月賑之仍  
遣使責遼陽省臣阿散壬午敕以海南新附四州洞  
寨五百一十九民二萬餘戶置會同定安二縣隸瓊  
州免其田租二年癸未以征爪哇暫禁兩浙廣東福  
建商賈航海者俟舟師已發後從其便丁亥湖州平  
江嘉興鎮江揚州寧國太平七路大水免田租百二  
十五萬七千八百八十三石己丑太白犯歲星鐵木  
塔兒薛閣禿捏古帶闊閣所部民飢詔給米四千石

付鐵木塔兒薛閣禿一千石付捏古帶闊閣俾以賑  
之閏六月辛卯朔陞上都兵馬司四品如大都丁酉  
遼陽瀋州廣寧開元等路電害稼免田租七萬七千  
九百八十八石岳州華容縣水免田租四萬九百六  
十二石東昌路蝗壬寅以東安海寧改隸淮安路詔  
大都事繁課稅改隸轉運司通州造船畢罷提舉司  
罷福建歲造象齒鑿帶戊申熒惑犯狗國庚戌回回  
人忽不木思售大珠帝以無用却之辛亥河西務水  
給米賑飢民江北河南省既立詔江北諸城悉隸其  
省詔漢陽隸湖廣省左江提督黃堅言其管內黃勝

許聚衆二萬據忠州乞調軍萬人土兵三千人命劉國傑討之臣願調軍民萬人以從詔許之太平寧國平江饒常湖六路民艱食發粟賑之高麗飢其王遣使來請粟詔賜米十萬石中書省臣言今歲江南海運糧至京師者一百五萬石至遼陽者十三萬石比往歲無耗折不足者甲寅右江岑從毅降從毅老疾詔以其子斗榮襲佩虎符爲鎮安路軍民總管廣南西路安撫副使賽甫丁葺誹謗朝政沙不丁復資給之以風聞三十餘事妄告省官帝以有傷政體捕惡黨下吏如法乙卯濟南般陽蝗是月詔諭廉訪司巡

行勸課農桑禮部尚書張立道郎中歪頭使安南回以其使臣阮代乏何維岩至闕陳日樽拜表歲修歲貢秋七月庚申朔詔以史弼代也黑迷失高興將萬人征爪哇仍名三人者至闕遣使檢覈竄名鷹坊受糧者辛酉河北河南道廉訪司還治汴梁癸亥完大都城也里鬼里沙沙嘗簽僧道儒也里可溫答赤蠻爲軍詔令止隸軍籍甲子降詔申嚴牛馬踐稼之禁乙丑阿里願自備船同張存從征爪哇軍往招占城甘不察詔授阿里三珠虎符張存一珠虎符仍蠲阿里父布伯所負幹脫鈔三千錠丙寅罷徽州路錄事

司免屯田租一萬二千八百一十一石辛未太陰犯  
牛壬申建社稷和義門內壇各方五丈高五尺白石  
爲主飾以五方色土壇南植松一株北墉瘞坎墳垣  
悉倣古制別爲齋廬門廡三十三楹戊寅黎兵百戶  
鄧志願謀叛伏誅庚辰救雲南省擬所轄州縣官如  
福建二廣例省臺委官銓選以姓名聞隨給授宣敕八  
月己丑朔賽甫丁處死餘黨杖而徒之仍籍其家產  
壬辰勅禮樂戶仍與軍站民戶均輸賦丁酉辰星犯  
右執法己亥太白犯房辛丑寧夏府屯田成功并其  
官脫瓦赤壬寅括唐兀秃魯花所部闊豕赤及河西

逃人入蠻地者甲辰車駕至自上都討浙東孟總把  
等賊救諸軍之駐福建者聽平章政事闍里節度乙  
巳歲星犯右執法丙午用郭守敬言浚通州至大都  
漕河十有四役軍匠二萬人又鑿六渠灌昌平諸水  
以廣濟署屯田既蝗復水免今年田租九千二百十  
八石丁未也黑迷失乞與高興等同征瓜哇帝曰也  
黑迷失惟熟海道海中事當付之其兵事則委之史  
弼可也以史弼爲福建等處行中省平章政事統領  
出征軍馬庚戌高苑縣高希允以非所宜言伏誅壬  
子詔塔剌赤程鵬飛討黃聖許劉國傑駐馬軍戍守



戊午福建行省參政魏天祐獻計發民一萬鑿山鍊銀歲得萬五千兩天祐賦民鈔市銀輸官而私其一百七十錠臺臣請追其贓而罷鍊銀事從之改燕南河北廉訪司還治真定高麗女直界首雙城告饑敕高麗王於海運內以粟賑之弛平灤州酒禁詔不敷忙兀魯迷失以軍征八百媳婦國九月己未朔治書侍御史裴居安言月的迷失遇盜起不即加兵盜去乃延誅平民詔臺院遣官雜問之辛酉詔諭安南國陳日燁使親入朝選湖南道宣慰副使梁曾授吏部尚書佩三珠虎符翰林國史院編修官陳孚授禮部

郎中佩金符同使安南山東東西道廉訪司劾宣慰使樂實盜庫鈔百二十錠買庫銀九百五十兩官局私造弓勒等物受屯田鈔百八十錠樂實宜解職從之丁卯中書省臣言茆蕪十圍安化等新附洞蠻凡八萬軍設管軍民司以其土人蒙意家世莫仲文為長官以呂天佑塔不帶為達魯花赤八番斡羅思招附光蘭州洞蠻宜置定遠府就用其所舉秃干高守文黃世曾燕只哥為達魯花赤知府同知判官制曰可癸酉徙沔州治鐸水縣廢新得州置通江縣復漢州綿竹縣沙州瓜州民徙甘州詔於甘肅兩界畫地

使耕無力者則給以牛具農器寧夏戶口繁多而土  
田半蕪紅花詔令盡種穀麥以補民食丁丑以平灤  
路大水且霜免田租二萬四千四十一石辛巳太白  
犯南斗罷雲南行臺徙置西川設雲南廉訪司壬午  
水達達女直民戶由反地驅出者押回本地分置萬  
夫千夫百夫內屯田甲申烏思箴宣慰司言由必里  
公反後站驛遂絕民貧無可供億命給烏思箴五驛  
各馬百牛二百羊五百皆以銀軍七百三十六戶戶  
銀百五十五丁亥從宣政院言置烏思箴納里速古  
兒孫等三路宣慰使司都元帥冬十月戊子朔詔福

建廉訪司知事張師道赴闕師道至乞汰內外官府  
之冗濫者詔麥朮丁何榮祖馬紀燕公楠等與師道  
同區別之數月授師道翰林直學士日本舟至四明  
求互市舟中甲仗皆具恐有異圖詔立都元帥府令  
哈刺帶將之以防海道詔浚浙西河道導水入海庚  
寅兩淮運使納速刺丁坐受商賈賄多給之鹽事覺  
詔嚴加鞠問癸巳弛上都酒禁燕公楠言歲終各行  
省臣赴闕奏事亦宜令行臺臣赴闕奏一歲舉刺之  
數制曰可丙申四川行省以洞蠻酋長向思聰等七  
人入朝壬寅從朱清張瑄請授高德誠管領海船萬

戶佩雙珠虎符復以殷實陶大明副之令將出征水  
手甲辰信合納帖音國遣使入覲廣東道宣慰司  
遣人以暹國主所上金冊詣京師乙巳太陰犯井丁  
未太陰犯鬼己酉樞密院臣言六衛內領漢軍萬戶  
見存者六千戶撥分爲三力足以備車馬者二千五  
百戶每甲令備馬十五匹牛車二兩力足以備車者  
五百戶每甲令備牛車三兩其三千戶惟習戰鬪不  
他役之六千戶外則供他役庶能各勤乃事而兵亦  
精銳詔施行之詔擇囚徒罪輕者釋之癸丑完澤等  
言凡賜諸人物有二十萬錠者爲數既多先賜者盡

得之及後將賜或無可給不均爲甚今計怯薛帶怯  
憐口昔博赤哈刺赤凡近侍人上等以二百戶爲率  
次等半之下等又半之於下等擇尤貧者歲加賞賜  
則無不均之失矣一歲天下所入凡二百九十七萬  
八千三百五錠今歲已辦者纔一百八十九萬三千  
九百九十三錠其中有未至京師而在道者有就給  
軍旅及織造物料館傳俸祿者自春至今凡出三百  
六十三萬八千五百四十三錠出數已逾入數六十  
六萬二百三十八錠矣懷孟竹課歲辦千九十三錠  
尚書省分賦於民人實苦之宜停其稅帝皆嘉納其

言命趙德澤吳榮領逃奴無主者二百四十戶淘銀  
耕田於廣寧瀋州乙卯太陰犯氏十一月庚申岳州  
華容縣水發米二千一百二十五石賑飢民壬戌太  
陰犯壘壁陣戊寅樞密院奏一衛萬人嘗調二千屯  
田木八剌沙上都屯田二年有成擬增軍千人從之  
己卯太陰犯太微東垣上相癸未禁所在私渡命閔  
津譏察姦究丙戌提省溪錦州銅人等洞酋長楊秀  
朝等六人入見進方物十二月庚寅中書省臣言皇  
孫晉王甘麻剌昔鎮雲南給梁王印今進封晉王請  
給晉王印北安王府慰也里古帶司馬荒兀並爲晉  
王中尉仍命不只荅魯帶狄琮並爲司馬金齒適當  
忙兀禿兒迷失出征軍馬之衝資其芻糧立爲木米  
府敕應昌府給乞荅帶糧五百石以賑飢民癸巳中  
書省臣言寧國路民六百戶鑿山冶銀歲額二千四  
百兩皆市銀以輸官未嘗採之山乞罷之制曰可庚  
子太陰犯井甲辰太陰犯太微西垣己酉故麓川路  
軍民總管達魯花赤阿散男布八同趙昇等招木忽  
魯甸金齒土官忽魯馬男阿魯來入見貢方物阿魯  
言其地東南隣境未附者約二十萬民慕化願附請  
頒詔旨命布八趙昇諭之從之壬子敕中書省用烏

思藏站例給合里忽必二站馬牛羊凡爲銀九千五百兩丁巳敕都水監脩治保定府沙塘河堤堰是歲賜皇子皇孫諸王藩戚禁衛邊庭將士等鈔四十六萬六千七百十三錠給軍士畸零口糧五千五百二十三石賑其乏者爲鈔三十六萬八千四百二十八錠命國師諸僧呪師修佛事七十二會斷死獄七十

四

三十年春正月壬戌詔遣使招諭漆頭金齒蠻乙丑敕福建毋進鷓戊戌和林漢軍四百留百人餘令耕屯杭海丙寅太陰犯畢命中書汰冗員凡省內外官

府二百五十五所總六百六十九員丁卯安西王請仍舊設常侍不允罷雲南巡慶司以洛波卜兒二蠻酋遙授知州各賜璽書戊辰樞密院臣奏兀渾察部兀末魯罕軍每歲運米六千四百二十六石以給之計傭直爲鈔萬二千八百五十二錠詔邊境無事令本軍屯耕以食庚午驗洞酋長楊總國等來朝捏怯烈女直二百人以漁自給有旨與其漁於水曷若力田其給牛犢農具使之耕甲戌河南江北行省平章伯顏言揚州忙兀臺所立屯田爲田四萬餘頃官種外宜聽民耕墾揚州鹽轉運一司設三重官府宜削

去鹽司止留管勾襄陽舊食京兆鹽以水陸難易計之莫若改食揚州鹽蔡州去汴梁地遠宜陞散府以穎息信陽光州隸之詔皆從其議陞廣州爲上路揔管府罷納速刺丁滅里所立魚鹽局割江西興國路隸湖廣行省乙亥謚皇太子曰明孝丙子西番一甸蠻酋三人來覲各授以蠻夷軍民官仍以招諭人張道明爲達魯花赤丁丑太陰犯氏戊寅詔舊隸乃顏勝納荅兒女直戶四百虛糜廩食令屯田揚州庚辰歲星犯左執法立豪懿州七驛辛巳置遼陽路慶雲至合里賓二十八驛驛給牛三十頭車七兩壬午淮

西道宣慰使昂吉兒斂軍鈔六百錠銀四百五十兩馬二匹敕省臺及扎魯火赤鞫問丁亥遣使代祀嶽瀆東海及后土二月己丑從阿老瓦丁燕公楠之請以楊璉真加子宣政院使暗普爲江浙行省左丞詔上都管倉庫者無資品俸秩故爲盜詐宜於六品七品內委用以俸給之高麗國王王曙請易名曰昉其簽議府請陞簽議司降二品印從之減河南江浙海運米四十萬石中書省添設檢校二員免大都今歲公賦益上都屯田軍千人給農具牛價鈔五千錠以木八刺沙董之詔以只速滅里與思蠻之民隸詹事院壬

辰太陰犯畢丙申却江淮行樞密院官不憐吉帶進鷹仍敕旨今禁戢軍官無從禽擾民違者論罪丁酉回回寺可馬合謀沙等獻大珠邀價鈔數萬錠帝曰珠何爲當留是錢以賙貧者敕海運米十萬石給遼陽戍兵仍諭其省官薛閣干令伯鐵木部欽察等耕漁自養糧不須給甲辰中書省臣言侍臣傳旨予官者先後七十人臣今欲加汰擇不可用者不敢奉詔帝曰率非朕言凡來奏者朕祇令諭卿等可用與否卿等自處之又言今歲給餉上都大都及甘州西京經費浩繁自今賞賜悉宜姑止從之乙巳熒惑犯

天街丁未車駕幸上都以新附洞蠻吳動鰲爲潭溪等處軍民官佩金符給新附軍三百人人鈔十錠屯田真定庚戌大陰犯牛辛亥詔發總帥汪惟和所部軍三千征土番又發陝西四川兵萬人以行樞密官明安荅兒統之征西番敕以韶賴相去也遠分贛州行院官一員鎮韶州復立雲南行御史臺詔沿海置水驛自耽羅至鴨綠江口凡十一所令洪君祥董之癸丑太白犯壘壁陣江西行院官月的迷失言江南豪右多庇匿盜賊宜誅爲首者餘徙內縣從之申嚴江南兵器之禁三月庚申以同知樞密院事扎散知

樞密院事以平章政事范文虎董疏漕河之後平章  
政事李庭率諸軍扈從上都雨壞都城詔發侍衛軍  
三萬人完之仍命中書省給其傭直甲子括天下馬  
十萬匹己巳立行大司農司洪澤芍陂屯田舊委四  
處萬戶詔存其二立民屯二十辛未太陰犯氐夏四  
月己亥行大司農燕公楠翰林學士承旨留夢炎言  
杭州上海澈浦温州慶元廣東泉州置市船司凡七  
所唯泉州物貨三十取一餘皆十五抽一乞以泉州  
爲定制從之仍併温州船司入慶元杭州船司入稅  
務江南行大司農司自平江徙揚州兼管兩淮農事

省八番重設州縣官罷徽州錄事司皇孫晉王位立  
內史府詔諸二品官府自今與各部文移相關鞏昌  
二十四城依舊例於總帥汪氏弟兄子姪內選用二  
人壬寅樞密院臣言去年征瓜哇軍二萬各給鈔二  
錠其後祇以五千人往宜徵元給鈔三萬錠入官帝曰  
非其人不行乃朕中止之耳勿徵癸丑太白犯填星  
廣東肅政廉訪司復治廣州甲寅詔遣使招諭暹國  
幹羅思請以八番見戶合思播之民兼管徙宣慰司  
治辰沅靖州常賦外歲輸鈔三千錠不允光州蠻人  
光龍等一十二人及邦崖王文顯等二十八人金竹



府馬麟等一十六人大龍番禿盧忽等五十四人求  
順路彭世彊等九十人安化州吳再榮等一十三人  
師壁散毛洞勾荅什王等四人各授蠻夷官賜以璽  
書遣歸歟江南毀諸道觀聖祖天尊祠五月丙辰朔  
給四部更番衛士馬萬匹又給其必闌赤四百匹壬  
戌定雲洞蠻酋長來附癸亥括思播等處亡宋涅手  
軍丙寅詔委官與行省官閱覈蠻夷軍民官以江南  
民怨楊璉真珈罷其子江浙行省左丞暗普詔以浙  
西大水冒田爲災令富家募佃人疏決水道辛未敕  
僧寺之邸店商賈舍止其物貨依例收稅丁丑中書

省臣言上都工匠二千九百九十九戶歲糜官糧萬  
五千二百餘石宜擇其不切於用者俾就食大都從  
之甲申真定路深州靜安縣大水民飢發義倉糧二千  
五百七十四石賑之六月丙戌敕選河西質子軍精  
銳者八百給以鎧仗鞍勒狐貉衣裘遣赴皇孫阿難  
荅所出征己丑歲星犯左執法庚寅詔雲南旦當仍  
屬西番宣慰司改淮西蘄黃等路隸河南江北行省  
丙申太陰犯斗乙巳以皇太子寶授皇孫鐵穆耳總  
兵北邊己酉詔濟太湖壬子大興縣蝗易州雨雹大  
如雞卯秋七月丁巳敕中書省官一員監修國史己

未詔皇曾孫松山出鎮雲南以皇孫梁王印賜之詔  
免福建歲輸皮貨及泉州織作紵絲庚申命知鶴慶  
府昔寶赤賚璽書招諭農順未附蠻寨甲子太陰犯  
建星己巳命劉國傑從諸王亦吉里督諸軍征交趾  
免雲南屯田軍逋租萬石壬申以月失察兇知樞密  
院事丁丑賜新開漕河名曰通惠壬申以只兒合忽  
所汰乞兒吉思戶七百屯田合思合之地辛巳太陰  
犯鬼八月丙戌括所在荒田無主名者令放良漏籍  
等戶屯田庚寅奉使安南國梁曾陳孚以安南使人陶  
子竒梁文藻偕來敕福建行省放爪哇出征軍歸其  
家甲午辰星犯太微西垣上將戊戌給安西王府斷  
事官印甲辰太陰犯畢丁未湖廣行省臣言海南海  
北多曠土可立屯田詔設鎮守黎蠻海北海南屯田  
萬戶府以董之戊申太陰犯鬼營田提舉司所轄屯  
田百七十七頃爲水所沒免其租四千七百七十二石  
九月癸丑朔太駕至自上都戊午敕各路達魯花赤  
揔管董驛事己未明安荅兒率軍萬人征土蕃近遣  
使來言乞引茂州先附寨官赴闕不允乙丑立海北  
海南博易提舉司稅依市舶司例丙寅遣金齒人還  
歸丁卯太陰犯畢癸酉敕以御史臺贓罰鈔五萬錠

給衛士之貧者辛巳登州蝗息州水百姓闕食賑以  
義倉米五千九百餘石冬十月癸未朔以侍衛親軍  
千戶張邦瑞爲萬戶佩虎符將六盤山軍千人及皇  
子西平王等軍共爲萬人西征賜冠城䟽河董役軍  
官衣各一襲賜交趾陶子竒等十七人冬衣荆南安  
置戊子詔修汴堤巳丑遣兵部侍郎忽魯秃花等使  
閣藍可兒納荅信合納帖音三國仍賜信合納帖音  
酋長三珠虎符庚寅饗于太廟彗星入紫微垣抵斗  
魁光芒尺許凡一月乃滅丙申熒惑犯亢巳亥太陰  
犯天關辛丑太陰犯片壬寅敕減米直糶京師饑民

其鰥寡孤獨不能自存者給之甲辰赦天下戊申僧  
官摠統以下有妻者罷之以段貞董開河修倉之役  
加平章政事庚戌造象蹄掌甲辛亥禁江南州郡以  
乞養良家子轉相販鬻及強將平民略賣者平灤水  
免田租萬一千九百七十七石廣濟署水損屯田百  
六十五頃免田租六千二百一十三石十一月壬子  
朔改德安府隸黃州路丁巳孫民獻嘗附桑哥助要  
東木爲惡及同知上都留守司事又受賕減諸從臣  
糧詔籍其家貲妻奴復因潭州呂澤訴其刻虐械送  
民獻至湖廣如澤所訴窮治之立海北海南道肅政

廉訪司治雷州庚申敕中書省凡出征軍母以和顧  
和買煩其家乙丑太陰犯畢丁卯太陰犯井戊辰以  
金齒木朶甸戶口增立下路總管府給其爲長者雙  
珠虎符真定路達魯花赤合散言廉訪司官檢責民  
官太苛乞以民官復檢責廉訪司文卷從之庚午太  
陰犯鬼免江南都作院軍匠出征丙子熒惑犯鈞鈴  
戊寅歲星犯亢巳卯河南南江北行省平章伯顏入爲  
中書省平章政事位帖哥刺真不忽木上十二月丁  
亥禁漢軍更番者毋鬻軍器辛卯武平路達魯花赤  
塔海言女直地至今未定賊一人入境百姓離散臣

願往安集之詔以塔海爲東道宣慰使壬辰中書  
左丞馬紹疾以詹事丞張九思代之乙未太陰犯井  
遣使督思播二州及鎮遠黃平發宋舊軍八千人從  
征安南庚子平章政事亦黑迷失史弼高興等無功  
而還各杖而耻之仍沒其家貲三之一癸卯敕以桑  
哥沒入官田三百九十一頃八十餘畝給阿合兀闌  
所司匠戶丙午以鐵赤脫脫木兒斲住拜延四人並  
安西王傅是歲天下路府州縣等二千三十八路一  
百六十九府四十三州三百九十八縣千一百六十  
五宣撫司十五安撫司一寨十一鎮撫所一堡一各

甸部管軍民官七十三長官司五十一錄事司百三  
巡院三官府大小二千七百三十三處隨朝二百二  
十一員萬六千四百二十五隋朝千六百八十四戶一千四百  
萬二千七百六十賜皇后親王公主如歲例賜諸臣  
羊馬價鈔四十三萬四千五百錠幣五萬五千四百  
一十錠周貧乏鈔三萬七千五百二十錠作佛事祈  
福五十一真定寧晉等處被水旱蝗雹為災者二十  
九斷死罪四十一

三十一年春正月壬子朔帝不豫免朝賀癸亥知樞  
密院事伯顏至自軍中庚午帝大漸癸酉帝崩于紫  
壇殿在位三十五年壽八十親王諸大臣發使告哀  
于皇孫乙亥靈駕發引葬起輦各從諸帝陵夏四  
月皇孫至上都甲午即皇帝位丙午中書右丞相完澤  
及文武百官議上尊謚壬寅始為壇于都城南七里甲  
辰遣司徒兀都帶平章政事不忽木產丞張九思率  
百官請謚于南郊五月戊午遣攝太尉臣兀都帶奉  
冊上尊謚曰聖德神功文武皇帝廟號世祖國語尊  
稱曰薛禪皇帝是日完澤等議同上堯皇后弘吉刺  
氏尊謚曰昭睿順聖皇后世祖度量弘廣知人善任  
使信用儒術用能以夏變夷之經陳紀所以為一代

之制者規模宏遠矣

元史本紀卷第十七

七

元史本紀卷第十七



